

成縣新志

序

T 3160/7569.83

CHINESE - JAPANESE
HARVARD - YENCHING INSTITUTE
AT HARVARD UNIVERSITY
MAY 7 1938

4

第四冊

卷之四

藝文

碑銘賦詩
雜記詩勅所

紀異

叢談詩四則

刊志輯略

後序

信

第四冊

卷之四

藝文

碑銘賦詩
雜記 詩抄

紀異

叢談 詩四則

刊志輯略

後序

帶

成縣新志

真

成縣新志卷之四
藝文
碑銘賦詩
雜記 詩抄
紀異
叢談 詩四則
刊志輯略
後序

成縣新志卷之四

哈佛大學漢和
圖書館珍藏印

成縣知縣射江黃 詠 纂修

藝文 碑銘 賦詩 雜記 諸勅時

文章雖為技藝然國運之盛衰與風氣之淳澆繫焉總之
以近乎理道者為是成為名勝區而詩文之可傳者前代
無幾間從殘碑斷簡中取其遺是者搜輯訂正亦彬彬乎
其可觀焉准藝文誌

天井山磨崖碑

漢武都太守漢陽何陽李君謙翁字伯都天姿明敏敦詩

說禮應義。美厚繼世。卽更幼而宿衛弱冠。典城有阿鄭之
化。是以三苗守我黃龍嘉禾。木連甘露之瑞。動順經古
先之以博愛。陳之以德義。示之以好惡。不肅而成不嚴而
治。朝中惟靜。威儀抑。督郵部職不出府門。政約令行。強
不暴寡。知不詐。愚。錄。趨。放。無。對。會。之。事。徼。外。來。庭。而。總
二千餘人。年穀屢登。倉庫惟億。百姓有蓄粟麥五錢。郡西
狹中道危難。照峻。綠崖。俾。閣。兩。山。壁。立。隆。崇。造。雲。下。有。不
測之谿。阨。芒。從。迫。來。車。時。進。不。能。濟。急。不。得。駐。數。有。顛
覆。賈。陸。之。虞。通。音。創。楚。臨。備。其。懼。君。踐。其。險。若。涉。淵。水。嘆

曰詩所謂如集于木如臨于谷斯其殆哉。固其事則爲
備。今不圖之爲患不已。勅循官有秩。李瑾掾仇審。因常
道徒。鏃。燒。破。析。刻。石。摧。鬼。滅。高。就。埤。平。夷。正。曲。押。土。石
堅固廣大。可以夜涉。四方老稚行人。懽。懼。民。歌。德。惠。穆。如
清風。乃刊斯石。曰赫赫明后。柔嘉惟則。克長克君。牧守三
國。三國清平。詠歌懿德。瑞降豐稔。民以貨殖。威恩並隆。遠
人賓服。鏃。山。浚。瀆。路。以。安。直。繼。禹。之。跡。奕。世。賴。福。建。寧。因
年六月十三日壬寅造時。府丞石扶風。陳倉呂國字文寶

漢武都太守漢陽阿陽李翕西陲頌 曾 鞏

武都太守漢陽阿陽李翕字伯都以郡之西碛閣道通梁
益緣壁立之山臨不測之谿危難險峻數有傾覆實陸之
患乃與功曹吏李旻定策勅衡官掾仇審治東坂有秩李
瑾治西坂鑿燒大石改高卽平正曲廣阨既成人得夷途
可以夜涉廼相與作頌刻石其頌有二其所識一也其一
立於建寧四年六月十三日壬寅其一 是年六月三十日
立也又稱翕嘗令澗池治峭嶽之道有黃龍白鹿之瑞其
後治武都又有嘉禾吐露木連理之祥皆圖其畫像刻石
在側蓋嘉福之謂是仲約管夫爲興州還京師得郡圖像

以遺余稱析里橋邨閣漢武都太守李翕字伯都之所建
以去沉湎之患而翕字殘缺不可辨得歐陽永叔集古目
錄跋尾以爲李翕余亦意其然及熙寧十年馬城中玉爲
轉運判官於江西出成州所得此頌以示余始知其果爲
李翕也永叔於學博矣其於是正文字尤審然一西碛邨
閣之道有益於人而史不傳則頌之作其可備史之闕歟

武都太守李伯都傳

明人

胡濬宗

漢李翕字伯都阿陽人阿陽今清水蓋秦地伯都嘗令澗
池歷三郡史遺其績考之澗邑成郡之碑乃漢良吏也是

故敦詩說禮政約令行經術宣矣先以博愛陳以德義牧
育豫矣不肅而成不嚴而治政令孚矣強不暴寡知不詐
愚風俗敦矣屬縣趨教徼外來廷遠近悅矣澠池刻記武
都勒銘勳績懋矣西峽通益殺盜連洛道路闢矣中澣既
立下澣復立垂勸審矣鄙閣有圖峽崖有像具瞻切矣年
穀屢登祥瑞屢見天人協矣而威儀抑抑有阿鄭之化焉
殆不愧子產視史所載文翁六循吏何多讓焉曾子固云
頌以補史之闕然頌自不泯史自不彰蓋采風之令忘於
上而旌淑之風流於下云爾於伯都何損益焉歐陽永叔
自垂之永永也

成州學記

闕名

皇帝二十三年有詔州縣立學館署講員以進鄉彥士不
受業無所就宏獎教育必道成而官優莘莘乎茲謂萬方
與齊魯俱倉泉劇州背山面池且武圖冠幾稀斯民變風
良守是賴於斯之時長樂馮宗聖假節來舍拜詔感頌倡
謀吏窠曰天子尚文書軌混并豪英端闕
王國光華猶病夫學不純教不明如是茲邦華部羗守岬

之餘詩禮蘋蘩藝圃郊饗曉以新書亦綠節之一術言颺

令孚下罔弗飭乃審地勝關二程協辰僑工採築並與前

字關一鼓篋響臻羅書及於東序蓋賓簪於右岸後筵重廡

列為齋堂驛迂東關一為經師碩生善友博論切約南端

子亭關一榜祥鱸芳葩峭石遊息佳處關一饴著有庖課

稟有儲汜掃邏護幹隸蕭給肇謀考成緊馮君能又佚而

不侈也宗聖名彭陽苑特起海嶠而聞京師瞻辭大策殿

柱前選材評試邊障而不醜氏憬勤勤施為首善嚮方講

利長世子故於記事宜實執訊重研巧文示后姑為摺經

構之伐瑑堅石谷西州君子上學遜敏發舒翹英思以稱

賢二千石心毋忽明年慶歷乙酉閏夏乙巳記

成州重建學記

宋教授 蕭浚

歲在庚午季冬彭城太守劉公臨治開府越明年春正月

一日見公王於廟禮也在衣冠之士莫不相顧而異即問

巷其目亦以為鮮觀既而仰視廟貌丹青晦淪堂室摧敝

俯首感頽諏詢僚吏以宮牆如是之不振又何異鞠為蕘

蔬者耶慨然思重建之而有司以無餘緝對匠氏以無餘

材告公日出納之吝法有所守也安得有慷慨主張吾道

者以濟吾志會憲使游公行部公以部刺史按一道所至
以謁王廟爲先次之燕樂學宮訓誘善士存問孤老籍
錄孝悌然後糾察簿領廉視廡庫莫不給羨緡以治黌舍
割閑田以爲歲贍一路之士率被此賜成乃居其一焉先
是彭城公旣聞其風又樂其事以爲吾學校之興廢正在
此舉矣旣而果副所欲得錢十七萬以鳩工庀材田五百
畝以歲供饘粥於是公命浚董正其役而復朱旆繼日親
臨督察酒食訊勞土木之費無毫末侵漁下民而人樂爲
之使故俾悉增舊址移治大門於殿前之西建齋舍於左

右序凡十三間高闊寬敞大抵可容百餘人公曰吾以是
處吾州之豪傑亦庶幾矣而殿建小學兩齋齋之左右別
廩舍貯蓄積以俟歲用殿前之東有御碑亭高其基四尺
餘碑置廟頌王詩也殿立於中重屋複甍展庇丈餘於
是可以爲春秋釋菜行禮之地殿後重建講堂堂左右建
兩庫堂後置學官位以爲學者常見宴語兩角之舍位之
西隅廡廚在焉皆告成於九月實元祐辛未歲也自殿之
外皆新成者不侈不陋邑吏民見而榮之靡然向風爭欲
爲學宮弟子甚乃閭閻蘭茸之賤譏爲善之可貴而知不

義之可遜漸摩然化豈曰小補之哉由是學者告圖二公
之丰規於殿西之祠堂千歲之後不愈於朱邑桐鄉耶故
諸君一日求浚為記浚官於學者也實與二三子若然樂
此道於其間不假文學其誰為之故紀其事如前以無失
建置之始末焉元祐八年八月十八日

同谷郡學新繪成都禮殿圖碑

謹按益州都督府長史張緒修府學記云周公禮殿圖東
漢獻帝時建也碑陰曰賀遂亮撰縣令顏有意書實唐高
宗永徽之元年也舊相傳晉太康中益州刺史張敞書

...

...

...

匠石者凡三翼日誦謝顧謂勲日子與諸生作成斯宮
壯大宏麗而民力弗煩子之功多矣勲曰此使君與執事
生之力勲何與焉皆合誦曰非子莫能先之乾道三年七
月既望左修職郎知成州州學教授唐安王勲記並書

糾修學宮碑記

國朝知縣 劉 瑜

古者辟雍之建黹鼓逢逢奏公矇睞一時虞業樞而賁
鼓維鏞誠盛典也下至魯公鸞旂芹藻之風小大從邁
馬蹻蹻而音昭昭可不謂泮水人文之麗乎然則欲廣
教化敦俗尚振士氣其於學宮重有賴矣今

聖天子稽古右文崇儒重道巡幸所至屢詣東魯闕里釋奠之禮踰越漢唐而又頒萬世師表之匾額於天下黌宮且撰訓飭士子文以風厲海宇猶歛休哉其加意可謂至矣凡有司之臨蒞下土於學宮之圯者弗修廢者弗造甚非所以尊賢聖勵德造也瑜承乏成邑知成向緣兵燹移縣治於上城而學宮因之規模湫隘奚以垂後今承平已久民復舊居庠序之設在所急急瑜爰捐已費仍於當年久廢之故址力為創造乃高其閤闕厚其牆垣而聖殿巍巍觀瞻恢肅他若啓聖宮若兩廡若明

倫堂鄉賢名宦及櫺星泮沼無不整飭具舉垣墉而丹雘之其非飾觀之謂其謂禮讓相先之地春夏教以羽籥秋冬教以詩書而育諸生於成材保之重禮義而敦廉恥也昔韓昌黎至湖湖人未知學公命進士趙德為之師其後皆篤於文行號稱易學然則薰陶士類鼓鑄羣英洵有望於師儒之董率而學校不建化導無由胡可為治且夫欲維風俗在正人心欲正人心在敦士習成之士習願云淳矣然揚輝振彩壯上國之觀者尚無多人今欲父詔其子兄勉其弟羣相習於孝弟忠信之

行入事父兄出事長上以徵休於國家非尊崇其地使之肆其業焉其心安焉不見異而遷焉其何能目擊而心諭安行而自得也瑜仰承

聖天子雲漢作人之意欲成人小子皆有菁莪棫樸之風而資事父以事君資事長以事上禮陶樂淑之餘且延及齊民莫不華薄而從忠回心而向化則是庠序之設雖不敢比於辟雍魯泮之隆而於鼓舞士風之意或猶可希踪於萬一也經之營之適觀厥成是予之責也夫是予之責也夫

建明倫堂記

國朝知縣 曹增彬

皇上御極之五十一年歲在壬辰予奉

命來牧茲土夏四月朔有九日抵任次晨謁

先師廟舊例宰官拜禮畢隨詣明倫堂聚廩增附士子製籤說書示以首崇文教也成邑自兵燹後改斯堂之舊存者移上城爲大成殿今故缺焉是日於戟門中用蓆蔽而畢其事嗚呼斯堂也其可缺乎哉昔先王慮百姓不親五品不遜乃命司徒而敷教使人知父子則有親君臣則有義夫婦則有別長幼朋友則有序與信誠

以數者天地之大經古今之達道生民立身之本人君
萬化之源也故自禹湯文武以來庠序學校之設悉以
此爲首重漢唐而後我朱子猶虞浸晦其旨特表而出
之題其堂曰明倫以尊其名以著其義俾瞻斯堂者咸
曉然於人倫之爲重而必不可以不明也夫天下智愚
賢不肖之儔衆矣斷無倫外之人卽無不宜明之人使
人人克明則人心以醇風俗以厚此聖人之教所由不
肅而成而斯堂之維係乎世道者豈淺鮮耶嗚呼斯堂
也其可缺乎哉予自下車初卽有創志奈其時甫至諸
凡制序於次年春隨以

萬壽恩科奉檄入闈此事竣而旋適值農忙遂不克理又
年復以秋闈調省往返遷延亦弗暇舉及乙未歲首方
其謀以創於是鳩工庀材經始於春暮而落成於夏中
約計所費雖三十金有奇予不過始焉捐俸以爲倡繼
焉不足以爲補所賴邑中紳士各出已貲各董爾事以
其勩盛美而奔馳監督則捕官亦與有力焉堂成因勒
石誌其始末並將所捐助者題之碑陰以垂不朽若夫
舉所未舉修所宜修次第而增美焉是所望於後之君

子

成州龍池漱潭廟碑

成州今治同谷距所治北十里而遠有池廣可度而深不可規也蓋廣焉僅踰尋丈而淵滄皆然莫有冬夏之異其深何如邦人謂神龍是居方其吁雨粒災而敏速卽無知者亦必曰神龍之居也彼董父所擾嗜隄而多欲者安得而有此而羣山之差寧後叢岡之逶迤木老而竹秀雲物常異別旅人過焉敢不神而式之然惜也圖史莫之有載捨觀其遠方庶秦時池名曰漱禮幣行焉悉投文以詛楚

於時大湫之靈實與秦共爲無道也今斯名池而不名湫則醜彼功首之國而不爲之靈也於是乎王翦白起不得稱其武而韓非李斯輩又安在而智哉實吾池之蛭蠃也歟或責秦之士賤且拘者不知當斯時果有士歟今在在吾池今日之榮耶近在唐之中世驅西兵以禦燕寇遂棄鳳翔之西於吐番末隸此邦於李茂貞而西則孟知祥有焉又宜吾池之無聞焉爾也說假守無狀悼無年以自訟走祠下蒙神之貺默與心會伏念莫有以爲神之報則以

凡舉新志一
卷之四
三

菲陋之文略志之曰不爲亂邦而出德也知時以翔習也
不廣其居儉也能雲以雨仁也顧彼殘守貪令可以賴是
衆美而少寬於刑書豈不幸甚若其吏也競前而不知危
乾歿而不自勉崇邊幅以侈麗務爲欺謾不徒避課而且
求寵則亦宜神之視而心知愧矣又亦可懼也哉其廟額
錫於崇寧二年新廟之役則政和五年逮宣和六年春
之再薦之文并刻於碑陰繫之銘曰下民失職頻蒙辜有
仁上帝龍角趨曰民無辜吏可誅其雨澤之不須與龍恭
帝命舞莫吁吏論昭格何其愚種食艱難仁者儲并不腹

莫能舉朝請大夫知成州賜紫金魚袋昭德晁說之撰并
書邑人劉戩篆額

仇池碑記

失名

自兩儀肇判混氣既分融而爲川瀆結而爲山崗禹別九
州奠高山大川積石龍門彭蠡震澤砥柱柝城太華衡山
之名著故名山大川載於記籍班班可考仇池福地本名
圍山開山爲之仇夷上有池古號仇池當戰國時漢白馬
氏所居晉係胡羗唐籍成州逮我宋朝隸同谷背蜀面秦

以其峭絕險固襟武都帶西康相結茅儲粟以爲形勢鎮
戎之地觀其上土下石屹然特起界於蒼洛二谷之間有
首有尾其形如蓋丹岩四面壁立萬仞天然樓櫓二十四
隘路若羊腸三十六盤周圍九千四十步高七里奇貴
西二門泉九十九地百頃農夫野老耕耘其間雲舒霧縹
常震山腰朝暉夕陰氣象萬千當其上羣谷環翠流泉
灌集而成池廣蔭數畝此世傳仇池之盛且神魚聞於上
古麒麟瑞於近世有長江窮谷以爲襟帶有羣峰翠麓以
爲黼藻雖無瓊臺珠閣流水桃花其雄峻之狀壯麗之觀

卽四明天台青城峯亦未過此非輕世傲物餐霞茹芝之
者似莫能宅之且少陵詠送老之詩坡仙懷請註之夢由
是此山增重小有天一點空明始聞天下名公巨卿冠蓋
相望爭訪古人陳迹然一山之中古廟獨存榜曰晉楊將
軍惜無碑碣莫可稽考咸以爲闕典紹興五禩曹公居賢
官於此廟宇圯壞公爲鼎新復起白雲亭重構招提繪柱
蘇二大老像刻詩於璇琰昭示將來遂成好事翹楚者屬
予以紀之予嘗揆討往牒觀通鑑於漢晉南北諸史參考
仇池歷代事跡見公始末乃知公姓楊諱難敵稱氏王諱

茂搜者乃公之考右賢王諱堅頭者乃公之弟晉元帝永昌元年趙主劉耀親征仇池公拒之弗勝退退保仇池會軍荊疫耀亦寢疾懼公攝其後乃遣使說公封公持節侍中假黃鉞都督秦梁二州隴上諸軍武都王大寧咸和間執白崧擒李稚抗衡前越控制後蜀鼎峙三國雄霸一隅一時英傑也至咸和九年卒其嗣立厥後穆帝永和三年楊初拜仇池公曰國曰安曰世曰盛皆繼爲仇池公南北之際如元如難當如保熾文德以降家世其地不可縷舉然楊氏之業唯難敵始大則此廟宇或爲難敵建乎予跨

伏於下身歷目擊親見其詳數其實以紀之並取唐宋二公詩以爲仇池光華冀千百年後考信於今者亦猶今之考信於古也歟宋紹興甲寅上巳日忠訓郎曹居賢立石

五仙洞碑記

同谷以景名者八五仙洞其一也世傳公孫氏五子嘗於此學輕舉之術往往靈蛇暴日神魚泳淵其事雖不經見然意其林巒扶輿磅礴必有如揚子雲所謂山澤之臞者居之閏八月余被檄慮囚武階圖往遊焉愛其雪崖蒼古煙嵐隱翳翠篠寒松流泉飛瀑映帶左右蕭然若離塵濁

有道者宗辯揖余而言曰昔吾晦庵禪師崛起關西道價甚高飛錫南遊輒闢禪林之口而奪之氣茶馬趙公太守毋公淡相敬重有語錄行於世遊師門者衆矣而宗鑑實爲上首異時五仙洞蔽於榛棘蒼莽中鹿豕晝遊狐狸夜擊蹊徑不通人跡罕至獨樵叟獵師斧斤且蔚時肆蹂躪自鑑篳路藍縷以啓山林爲之室廬安處徒衆里人屈仕顏又舉環洞之木章竹箇願助清供氣象蒼鬱於是五仙之勝遂與鷄鳳平雄繼鑑者曰宗嶽曰宗顯顯又造觀臺首像爲閣三間以顯從之顯旣遊方乃命宗辯主灑掃之役從

辯不量力營新葺舊辛苦累年始克剏塔亭建重門丈室僧寮粗若備具且誘化信士從成都置四大部經歸鎮山門餘鑑迄今蓋三十餘年矣每惟開山之勤未有紀述使來者無所考信願以爲請則告之曰子之師晦庵余不得而見之於鑑也又無晤言之誓然嘗讀毋趙二公若銘若贊則知晦庵之爲高以其師信其徒則知鑑之爲賢自昔佛家流草衣木食宅幽而阻溪蓋欲屏遠翳塵離諸染着以學苦空寂滅之道末世比邱知此者鮮鑑也侍晦庵巾履最久乃能於戒律陵遲之際篤志自修結茅崖洞不與

物接其胸中所得必有過人者今子又增而大之薨棟參
差戶牖依約爐香卷經絕去俗累視前人可謂無負吾聞
善學於師者不於其迹於其心談空析妄設爲問答剪荒
除穢化爲殊勝此皆其迹而非其心也子誠能不忘鑑之
勤與夫子之師所以付屬盍自其心焉求之精進不已則
晦庵一燈之傳相爲無窮可也辯曰唯遂書之以爲記嘗
開禧改元南至日也宣教郎通判成州軍州事宗國趙希
週潛父撰并書朝奉大夫知成州軍州事嘉定辛禎之明
父篆額

廣化寺記

西康人勤生而嗇施蓋其地磽腴皆可耕絲身穀腹之外
蜜紙泉漆竹箭材章旁瞻內郡農桑旣盡其力而發貯醫
材趨時射利人棄我取人取我予者子孫皆修業而息之
廩藏赤仄至累世不發惟冠婚喪葬許用之地旣饒而俗
習如是雖欲矯揉磨淬使之急病逸夷施一錢以濟貧賑
乏且不可得而况奉佛老者乎雖然民知敦本是亦可嘉
也廣化寺在豐泉距治城二十里卽絳帳臺故址於元豐
四年高氏務成捐財以建門闔雄渙殿廡耽耽齋庖庫庠

鐘鼓魚螺無不畢具而高氏之貲中衰人皆言曰高氏未
奉佛也富且彊旣奉佛也田且荒佛之因果豈可信耶未
幾務成之姪常擢建炎四年進士第仕至奉議郎鄉人始
大感悟知責報於天固不爽也寺始於元豐至隆興初猶
未賜額偶中原亂離涇僧宗奭懷賜書避亂來此遂請於
太守梅公願以廣化之額補亡且存古跡自是高氏之孫
愈念前功仍像設諸佛以增廣之巍巍輪輪宏敞煥麗一
日進來請曰吾祖於是寺念之深矣而八十七年之後始
有名稱若有數焉願託命辭昭示來世顧予非佞佛姑爲

本其土風申其可言者寵嘉之使刻示邦人其有激也乾
道九年中秋日左從政郎成州州學教授蒲舜舉記進士
張掄書丹

蓮池亭碑記

明邑令張樂舜

夫蓮亭者唐成州刺史裴守真所創建也裴公治成時觀
斯勝槩遂鑿池引水建亭其上環亭種蓮以供賞玩每夏
月薰風葉舒圓蓋花綻長簪斯時也聽四起之菱歌歎荷
香之十里壯濂溪之偉觀映六郎之粉面公登亭歡笑水
天一色羣鷗鷺而侶魚蝦熙熙然殆不覺隴頭間又有一

小西湖也乃歲久景移池涸亭敝裴公之蓮殆爲禾黍之
區矣歎心哉歎心哉予萬歷己丑來典是縣詢其遺址慨
然思興乃與一二父老引西郊之水甃南山之石採木爲
棟砌瓦爲亭中三楹而前後列複道種荷其中外雜花卉
觀者翕然咸以爲不減裴公之舊厥工成而屬予爲記予
惟蓮花之君子者也樂只君子民之父母者也有樂只君
子而後可玩花中之君子何者心相孚也景相契也不然
中不虛無蓮之竅本不潔無蓮之白節不苦無蓮之味民
不被澤何如蓮之葉野有菜色何如蓮之蕊子惠不結何

如蓮之房菱歌四起反爲怨聲之載道荷香十里徒爲穢
德之彰聞卽植太華之根培玉井之種酒酌碧筒觴實雪
藕其愧於蓮也亦多矣又何取於蓮之亭昔人云賢者而
後樂此不賢者雖有此不樂也信矣哉予高裴公之雅姑
舉遺址而重修之尤不敢以樂只君子自待輒僭爲之記

邑侯王公生祠碑

邑訓 楊多聞

生祠碑者成士民感慕邑大夫王公之德政而立也公諱
三錫別號懷邦晉翼城人蚤歲鄉薦魁省後因母老孀居
志欲祿養赴銓曹受簡命蒞官茲土時蓋萬歷乙未中秋

日也公天性孝慈純篤素行廉明儉約故下車以來興學
校勸農桑獎善勵俗衣寒士食饑民敬老恤孤捐俸建磨
鑿炭開荒導水財用有節催科有條治事必勤讞獄必慎
百廢咸興一塵不染種種德政卽有目者所共覩有耳者
所共聞至如心思意念真誠愷悌有非筆舌之所能盡也
者六年間刑省化洽風清俗美老安少懷夜無犬吠民不
見吏庠序服其教閭閻樂其業雖古召父杜母不加於此
矣二次紀錄四次褒薦非過也今年春考績上上擢守乾
州職刺史報至百姓愕然相顧且喜且悲如窮人無歸老
狀夏四月公將振五馬行裝欲之任士民咸切借寇之願
竟臥轍不得攀轅不得廼其摠積忱擇地城東飭材鳩工
構堂繪像以祀之鑄石勒碑以識之將謂過其堂瞻其像
肅然如見公之德容矣望其碑觀其紀儼然如見公之德
業矣詩云蔽芾甘棠勿剪勿伐又云有斐君子終不可諼
兮士民之感慕公也亦然是役也固記公之德政垂名於
不朽亦以俟後之君子得有所考信云

新建上城縣治碑記

明邑令 謝鏞

崇正九年秋七月鏞奉命起補於成爾時仇池兩經寇禍

民殘地荒城空事廢官衙焚毀民舍邱墟子遺逃匿山谷
郊圻盡爲荆棘僅存者上城一塊土寥寥百餘家而已

鏞

受事之日殺傷殘黎擁馬首泣曰成之不臘不可支矣賊

騎尚未出境其來叵測君侯毋以身常試請居上城避其

鋒鏞曰不然朝廷設官以爲民也封疆責重與民守之效

死勿去令之職也若愛其身不顧其民是誘君命於草莽

毋乃不可乎遂率兒輩家僕數十人各佩弓刀居於下城

顏垣公解時值深秋悲風怒號木葉黃落寒蛩滿砌愁雲

慘澹惟見陰房鬼火青鏞此時殫精拮据枕戈城頭者數

月招撫流移食不下咽七年之間兵寇頻仍力保危疆九

里彫殘始有起色奈人丁半死鋒鏑山田多係拋荒催科

日急敲朴難完嗟乎料理殘邑勢同騎虎如坐湯池鏞之

謗劣叨有今日者實賴社稷之靈鏞今創建縣衙一所於

上城未嘗擾民間一文一粒蓋踵宋吳將軍之舊址倣唐

杜工部之草堂雖不能種河陽之花亦可彈宓子之琴作

者雖勞於一時而居者實逸於後日今鏞量移東堯旦暮

且行當事者慮成爲孤懸之危地檄催兩當徐令君來署

縣事令君與鏞同譜兄弟交稱肝膽其才品雄邁愈鏞十

成縣新志 卷之四 藝文 碑

信成得一賢侯可當數萬甲兵矣於是與君爲平原十日
飲真千秋快事也時方季夏溽暑熱甚與君登城樓凭欄
乘風具壺觴促膝談心不覺耳熱把臂少頃星光在天涼
月照地酒酣茶話吾兩人相視而笑莫逆於心不知身在
俗吏中也鏞言殊不文聊筆之於石時崇正十五年癸亥
月也

邑侯謝公去思德政碑記

李景廉

辛巳之春正月旣望予捧簡書於役蕭藩道出沔略馬首
仇池晤邑侯青山謝父母往返投轄傾創懃惓真成快事蓋

侯與予昔同選譜業訂成均所稱肝膽而臭味者二十年
離羣一朝聚首喜可知也爲予假館受餐信宿三日得遊
飛龍峽少陵祠諸奇勝促膝談心聆侯之言霏霏似流雲
競爽矚際都是晉人風味絕無一點紗帽氣因示予以仇
池諸什披讀之若凌千仞而梯五城雲門之瑟緜嶺之笙
不足侔矣然侯之雄才逸韻慧心俠骨於天下事無所不
習於書無所不讀於風雅一道無所不工臨池絕技真登
右軍堂與其水蘂素聲河清偉望久津津於海內不第著
循良於碭郡亦且茂芳猷於仇池侯蓋人傑也哉予與侯

握別歸貧簞未嘗不惜侯之才憐侯之苦業已逢人說項
爲侯求脫錢穀吏債耳今年二月侯以俸浚績多蒙上擢
陞東兗蓋謂河工重務非侯不可嗟乎侯以七年勞吏保
守危疆兩攝徽篆當羣寇狂逞之時值戎馬控惚之際在
他人不知何如周章何如措履而侯獨處之以從容臨之
以暇豫談笑退敵計解徽圍真有阿家太傅幼度圍碁賭
墅之風非有大過人之才安能有此經濟乎至於種種吏
治之最者狀皆具於當事者之上考予何能悉惟是侯勞
苦功高先後兩任歷俸九年薦剡者八紀錄者三題咨者

二衡其品望真救時循卓濟世津梁文章政事特其緒餘
耳異日鴻猷一展卽謀成補浴繼美東山亦易易也况當
破格用人之日使侯得與考選之列則對策天顏臺省可
立致也失此機緣深爲侯惜區區郡丞豈侯駐足地耶吁
侯行矣侯苦矣聞侯困守殘邑拮据萬狀惟知爲地方爲
百姓兩袖清風一囊如洗七年之間未嘗遣一力入春明
家口且旅食於白卞則侯之清心惠問所謂玉壺注冰雪
澄澈到底矣成紳衿父老被侯之澤欲攀臥而不得謳吟
愛戴爲之歌蔽芾歌勿剪去思之情不能自己以予知侯

之漢故索予言以勒之予又謂峴山龜龍不如邑人之口
侯之美政予烏能頌其萬一哉

新建官衙碑

國朝邑訓

盧士鵬

自古民生之聚散地運之盛衰大抵皆氣數使然而惟能
以實心實政操轉移之權者氣數之說不得而拘之成邑
爲古成州地歷漢唐以迄宋元皆爲州治迨至有明改州
爲邑屯田事興四城之外多隸階籍其時舊治依然生
民猶稱繁庶厥後流寇肆氛官衙民舍焚燬殆盡數十年
來官斯土者僅築山壑爲城人日星零地無起色舊治之
堂基久爲禾灘麥秀之區矣說者謂氣數如此莫可如何
壬申之歲適公奉

帝簡來蒞茲土越有四年時余亦適有奉鐸成序之報載道

之日涉大河逾阜隴抵秦隴諸郡見道路童叟之口咸嘖
嘖稱羨曰成邑有賢令廉潔愛民當此民食連年維艱之
際獨成民無流離瑣尾之苦者成邑何緣而得此賢父母
也迨余至成見公之訓耕織也能重農也課文藝也能愛
士也修理城池重封疆也創建魁樓崇文教也豎築堤閣
舉廢墜也他如蔬薪不取於編氓火耗不擾於里甲明淡

泊之志而稟官守之箴也公之實政皆本於公之實心如
此於以仰質天地而俯順百物其居官寧有遺憾歟公嘗
百事具舉之候尤念官衙爲闔邑風氣所關向蒙郡臺齊
公垂念成邑凋敝已久轉請各憲批允到縣公遂慨然
捐一己之俸鳩工庀材與邑之薦紳先生及能事之諸士
子相度於下城之舊址爲之正其方向定其規模一切工
匠之餼廩皆親出手頒卽版築民役陶瓦陶磚悉有工價
初未嘗苦累一役科斂一錢不一歲之中煥然成偉觀焉
自是補築城垣雖亦勦勞民力公復捐橐時行犒賞用慰

厥勞總之以恩施不以威迫所以庶民子來如趨父事用
力少而成功速又如此古所謂經始經營之盛事可於公
載咏之矣夫以日久凋敝之區人多諉之氣運莫可如何
者公獨不聽之氣數毅然修舉俾官舍落成民居城市以
及傾塌城闕皆次第奮意修復公殆大有造於成民矣公
之德惠何可湮沒後之人登斯堂念遺愛如坐春風之側
如憇長蔭之下如涵蓋於天高地厚之中是公之惠成民
其功在一時而成之戴公德其量及百世矣邑人士以大
功告成不可無記請於公以傳不朽公曰余不佞忝爲邑

父母卽爲地方培生聚於將來亦止吾盡吾職已耳碑記何爲邑人士終不忍默無一言請記於余余姑臧後學謬握鐸篆稔知公之實心實政書不勝書爰因邑人士之請謹述大槩載筆而記勒於石

重修 文昌祠碑記

邑令 黃 泳

成邑學署左側傳爲府廳署址 國初卽其地建崇樓祠文昌每香火之隆與弦誦之聲輝映稱盛事焉康熙三十年間祠被回祿 聖像以保護之力獲存因位置前斗室中規模狹隘僅蔽風雨非所以肅祀事而妥神靈也戊子

秋余蒞成謁 像卽計新之以諸務倥傯未遑踰年傾圮益甚因念 帝君生周宣王時與吉甫燕以孝友稱諫所云張仲是也後傳棲神吾鄉梓潼降筆垂訓司桂籍而掌文衡感應赫濯不特廟祀遍郡國卽窮鄉僻壤無不繪像以事余居距 神廟三百餘里平時讀陰騭文並化書欽靈爽者倍至則於祠而更新之尤修廢舉墜之不可緩者爰乃謀於衆斷於心不憚勞費以義學舊址低窪乃增高且加廓移建 文昌祠於上殿以三楹 像加采飾並置儀門爲懸樓其上奉 奎神焉其義學則改置祠右仍一

十三間資多士絃誦其間庀材鳩工之下期年落成弘厥壯麗視昔蓋彬彬乎其加盛已從茲而地靈人傑俾都人士家益絃誦人煥文思科第嗣祿蟬聯接武不可謂非茲祠之修建爲之倡也顧是役也協其謀者學博郭芑董其事者縣尉張光永分其勞者邑紳士耆民而余則總其成焉因勒諸石以垂永久云

重修蓮池亭記

邑令 黃泳

成州八景裴公蓮湖實勝且近云公諱守真稷山人唐高宗時知成州政通人和乃於治西偏鑿塘引水成湖湖心

建亭環亭植蓮夾岸樹桃柳榜曰湖山飛閣爲橋前雲錦後霞漪每夏秋間綠衣漾波香風滿座遊魚逐萍藻下上公時集僚屬觴咏其間極一時勝事自是以後時有變遷境無興廢凡有事斯土者咸時加培植藉以遊目騁懷而湖亭之勝遂自宋元明以迄於今余蒞成之明年邑尉張名光永來告余曰裴公湖勝蹟近在城右自康熙甲戌前尹胡公承福重修歲久就傾建置殆不可緩昔蘇長公通判鳳翔鑿東湖亭喜雨及知杭州疏西湖通六橋亭湖心成千古韻事公蘇之鄉人今亭之待成適與公會繼盛美

而鼎新之是在於公余聞其言自愧塵俗何敢妄擬前賢
然而殊情逸興亦復不淺况修廢舉陞尤司土者事耶乃
量捐清俸以先尉更募諸官紳商民而經紀之於焉度地
選材阪日興工大致仍乎其舊而基加廓大亭益廻欄榭
桐棟柱悉施丹堊采飾務使規模氣象壯麗宏敞亭沼之
美輝映湖山遊觀之盛燦美古昔焉踰年落成而張尉蒞
去請記於余余顏其額曰肖蘇成張意也至若蓮漪之燦
爛與夫風景亭臺之秀絕則前人之題咏備矣余何贅焉
爰卽修舉之始末並樂輸之姓字刊諸石以冀佳勝之遊
娛耳目者遠垂千古云

修理黑峪河道路記

邑令 黃泳

沿北三十里黑峪河上通秦隴下達縣城爲山水隩區其
經黃潛關一帶層巖峭壁聳翠臨霄木陰翳而蔽日石突
怒而人立狐兔茸伏蛇龍菹藏舊有小徑於密林澗箐巖
峩亂石中僅堪托足然穿幽谷履巉巖攀鳥道臨深淵豐
草遮路交枝迷途跋涉負擔者恒惴惴焉有顛蹶隕墜之
虞且也路旣僻山用荒於是虎肆其虐往往羣聚白晝啞
人爲地方害戊午秋余承乏茲土卽聞其地崎嶇過雲棧

道路以塞行人多由他途避險至縣慨然思平治之恐工費浩繁獨力之難成也適居人士某某與余同志首爲倡助并請余言募諸商民遂乃鳩工集衆燒石剪木芟刈崇隆疏鑿險隘殘缺者補之斷絕者棧之以闢以除旣廓旣夷向之暗者朗險者平蛇龍遁狐兔逸虎跡遠其有負嶠者則募強弓毒矢斃之害之旣去道以大闢由是而通車馬便負戴熙熙攘攘不獨往來貿遷者舍危殆而就安坦卽上下居民亦得時以物產木植順流而通有無於縣中夫黑峪一隩區一旦變而爲樂壤焉不可謂非道路之修

治致之也工旣竣居人士爭執羔酒以除道驅虎獻功邑宰余曰是衆庶之勤勞與樂輸者之義舉也夫何力之有第天下事待人以成亦賴人以守孟子曰山徑之蹊間用之則成路不用則茅塞吾慮夫居人士之復茅塞之也因爲原其巔末並捐貲者之姓名勒諸石以勸後人之能繼云

宋衛國公吳挺世功保蜀忠德碑銘

碑爲太師衛國公諡武穆吳挺建先是挺沒其子都指揮使職嗣泣奏於殿寧宗親御翰墨以世功保蜀忠德銘其

碑比諸麟閣雲臺之望又詔史臣四川節度使高文虎紀
其事有或以忠勇而建武或以知謀而廣略或以精慮而
植幕凡所著宜可傳悠久故其克敏騁謀用繼乃父勳勞
世業並耀一時非世功之大歟保境籌邊兵弭民靖惠慈
仁利洽於坤維非保蜀之至歟抗誠勵衆報國衛上篤著
大節侈於君親非忠德之全歟皇帝當鏤以思拊脾以感
光灑奎畫碣之豐碑以一門父子之功備兩朝褒表之異
視諸勲門特盛矣文長不及備載茲取碑銘彙錄紀其大
略云

銘列於左

皇矣上帝享宋之仁二百中天其命維新天歷所歸既作
之君人謀咸贊又生此臣如虎嘯風如龍滂雲於赫厥宗
帝王有真明謨雄斷炎正載所總攬文武掃清妖氛至於
功業父子一門再世保蜀三世總軍忠德茂盛人莫能倫
亦惟吳氏獨勲而勤曰武順王允武且洵瞻我皇靈聲震
隴命王克有嗣忠勇不窮濟時艱難父子奮身自虜背盟
渭上揉紛公獨摧堅六奇迭陳虜目黃幟懾潰縮逸我大
破之暴尸如焚虜憤且恥拏兵燥膜再攻德昌霍然驚虜
列陳斬斬兩兵交鋒始旦及曛我又破之縛酋斬獯鞏州

之圍以威束信飛苛。夜降如火自焚。一月三捷。見於褒綸。孝宗受禪。以武濟文眷。公勲力有禮。有恩。蠢蠢狂虜。意不克馴。來窺東山。囊括而吞。我又破之。蹀血川淪。虜失險要。志挫莫振。大作戰車。如輻如軌。我用排木銅鐵。毀幘犁彼。軌涂輕軼。亂奔虜。大驚駭曰。公如神。我又破之。返無隻輪。虜卒震讐。和議廼申。公時振旅。內外董屯。至太上皇繼御。帝宸亦惟禮。遇錫向日勲。公以忠義父訓所薰。勇於爲國。報時君親。扼兵以律。裕士於貧。甘苦必同。糗給必均。惟水之害。民壑是瀕。公獨障之。挈之沉淵。惟歲之饑。民死相因。公獨全之。置之晏忻。民之懷愛。士樂撫循。有備無患。不忘宵晨。宕昌馬政。有駟皂郊。堡禦有城。有門雖其。兵械鐵石。角筋其大。除戎蠶午。彪分高宗。孝宗賜見。大昕至太。上皇維訓之遵。當其造朝。訪問咨詢。公奏方略。有懷必伸。宸宁之光。金玉之珍。三宮所賚。寵極縉紳。致位左棘。福祿綦綦。遽奪英武。孰同昊旻。皇上踐祚。慨思忠純。緬瞻儀形。流聲垂芬。繫公有子。王亦有孫。方提禁旅。肅於階軒。維公垂烈。世濟父勲。維公障蜀。保綏厥民。曰忠與德。光于前人。宣猷焯美。被之堅珉。奎畫昭回。光麗三辰。錫以節惠。猶偉

繼彬公雖旣往英氣凜存于孝而忠武文孔贊訂此銘詩
鎮彼西坤何千萬年宋德法法

磨崖碑賦

邑令黃泳

何雲棧之萃嶽兮凌穹窿而岷岷岌駭峭壁之嶙峋兮轟轟
宮而霞壘列鋒戟乎嶄岵兮恍燕然之石碣爾廼下矚夫
洞澌兮儼鯨川之欲吸徑嶺岷而碎磔兮步羊腸而股慄
埒劍閣之天險兮擬蠶叢之峻嶮鳥驚飛而不下兮獸停
憊以歛歎猿猱莫升其巔兮隼鷹度而眼疾賈人自崖而
返兮樵蘇攀藤而眩絕羌媯石其未補兮混沌斧鑿而莫

及悵窘足如登天兮五丁亦難逞其力惟天眷夫漢炎兮
誕武都之賢侯公氏李而名翕兮傳伯都於千秋宰澗池
而治峭兮闢西峽之巉嶮建閣道而達蜀滇兮爰協恭於
掾儔運神斧而纘禹兮亦梯險以通幽矚兩岸以懸權兮
跨一衡如浮舟公廼乘橈標陟嶮嶇遴匠石購松虬鑿磈
礧闢嶽婁輦連抱架溪溝劓雲對於鳥道廼玉壘於神洲
上超百丈之長虹兮下臨千仞之巨流巒峰轉而如砥兮
峴峽平而成邱始臨崖而予予兮茲翔步而遨遊縱昏暮
其若旦兮忘隕覆之杞憂於是山靈感焉地平壤塏天瑞

聯翩山挺著茨澤出醴泉民安仁壽寶道聿宣鹿皚皚而
友麀麀兮龍金容其見田惟德化之春盎兮知有感之必
先爰簡循吏武都借賢嗣虞范而濟美兮膺廉石之二千
旣而雙岐麥秀五穗禾鮮木連理而並栢兮蕉含露而甘
妍民爭守夫兩邦兮惟鄘閭之功綿棠跋舍乎西坂兮石
能言夫清廉廼勒績於磐阿兮召劄工而槩鑄繪遺像其
森發兮圖潞儀於三邊閱漢魏而六朝兮垂唐李而長沿
攷二頌之競美兮誌千載之功專廼勳屬以丹珉兮竣建
寧之二年歷悠久而彌彰兮稽牙碑而殘編扈中郎其未
至今鮮黃絹之八研防懸崖而摹跡兮驚子瞻之愕然嗟
史冊之偶遺兮寄荒碑於暮烟懼魯豕之失真兮恐得魚
而忘筌藉南豐之珥筆兮繼中玉之傳篇考核無訛姓氏
彰箋舊迹新誌國門高懸碎金散市勳績彌堅今

聖主其御宇兮履蕩平之王路值金甌之天保兮恢版圖於
率土瞻長城之兀兀兮咸屏藩而疏附披廣輿於無外兮
恒搜文而稽古三才不能擅其雄兩京亦難罄其賦惟有
功於民社兮附明禋乎樽俎若李侯之建績兮洵捍疆而
保圉史荒略而遺珠兮頌懸崖而共睹嗟哉李公與日月

而同長兮借河山而並固爰率士民而廢曰同谷之陽周
道孔長實惟李侯爰建其梁西峽擴土利瀕無疆勒珉懸
石繼序不忘載廢曰懸崖之壁高峩峩懸碑之迹手難摩
惟李公之勲績堪礪山而帶河編諸國誌兮萬民永賴巨
千載而不磨

送肅十六評事充同谷郡防禦判官

詩

唐杜甫

昔沒賊中時潛與子同遊今歸行在所王事有去留偏側
兵馬間主憂急良籌子雖軀幹小老氣橫九州挺身艱難
際張目視寇讐朝廷壯其節奉詔令參謀鑿輿駐鳳翔同
谷爲咽喉西扼弱水道南鎮枹罕陬此邦承平日剽劫吏
所羞况乃賊未滅控帶莽悠悠府中肅使君道足示懷柔
令姪才俊茂二美又何求受詞太白脚走馬仇池頭古色
沙土裂積陰雪雲稠羌父豪猪靴羌兒青兒裘吹角向月

窟蒼山旌旆愁鳥驚出死樹龍怒拔老湫古來無人境今
代橫戈矛傷哉文儒士憤激馳林邱中原正格鬪後會何
緣由百年賦命定豈料沈與浮且復戀良友握手步道周
論兵遠壑淨亦可縱冥搜題詩得秀句札翰時相投

西枝村尋置草堂地夜宿贊公土室二首

前人

出郭野細岑披榛得微路溪行一流水曲折方屢渡贊公
湯休徒好靜心迹素昨在霞上作盛論岩中趣怡然共攜
手恣意同遠步捫蘿澀先登陟巖眩反顧要求陽岡煖苦
防陰嶺洄惆悵老大藤沈吟屈蟠樹卜居意未展杖策迴
且暮層巔餘落日草蔓已多露

天寒鳥已歸月出人更靜土室延白光松門耿疎影躋攀
倦日短語樂寄夜永明燃林中薪暗汲石底井大師京國
舊德業天機乘從來支許遊興趣江湖迴數奇謫關塞道
廣存箕穎何知戎馬間復接塵事屏幽尋豈一路遠色有
諸嶺晨光稍矇矓更越西南頂

寄贊上人

前人

昨陪錫杖卜鄰南山幽
侵腰脚衰未便陰崖秋重圍

北面粉一見日陽光留茅屋買兼土斯焉心所求近聞西枝
西有谷杉黍稠亭午頗和暖石田又足收當期塞雨乾
昔齒疾瘳徘徊虎穴上面勢龍泓頭柴荆具茶茗逕路通
林邱與子成二老來往亦風流

別贊上人

前人

百川日東流客去亦不息我生苦漂蕩何時有終極贊公
釋門老放逐來上國還爲世塵嬰頗帶纓額色楊枝晨在
手豆子雨已熟是身如浮雲安可限南北異縣逢舊友禱
竹寫胸臆天長關塞寒歲暮饑凍遍野風吹征衣欲別
曛黑馬嘶思故櫪歸鳥盡斂翼古來聚散地宿昔長荆棘
相看俱衰年出處各努力

萬丈潭

前人

青溪合冥冥神物有顯晦龍依積水蟠窟壓萬丈內跼步
凌垠堦側身下烟靄前臨洪濤寬却立蒼石大山危一徑
盡崖絕兩壁對削成根虛無倒影垂澹瀨黑如灣潭底清
見光炯碎孤雲倒來淡飛鳥不在外高蘿成帷幄寒水累
旌旆遠川曲通流嵌竇潛洩瀨造幽無人境發興自我輩
告歸遺恨多將老斯遊最閉藏修鱗蟄出入石礎何事

暑天過快意風雨會

鐵堂峽

前人

山風吹遊子縹緲乘險絕峽形藏堂壁色立積鐵徑摩
穹蒼蟠石與厚地裂修織無垠竹嵌空太始雪威遲哀壑
底徒旅慘不悅水寒長冰橫我馬骨正折生涯抵弧矢盜
賊殊未滅飄蓬踰三年廻首肝肺熱

龍門鎖

前人

細泉兼輕水沮洳棧道濕不辭辛苦行迫此短景急石門
雪雲隘古鎖峯巒集旌竿暮慘澹風水白刃澀戎馬屯成
臯防虞此何及嗟爾遠戍人山寒夜中泣

石龕

前人

熊羆咆我東虎豹號我西我後鬼長嘯我前猱又啼天窺
昏無日山遠道路迷驅車石龕下仲冬見虹蜺伐竹者誰
子悲詞上雲梯爲官採美箭五歲供梁齊苦云直幹盡蠶
以充提攜奈何漁陽騎颯颯驚蒸黎

積草嶺

前人

連峯積長陰白日遞隱見颼颼林響交慘慘石狀變山分
積草嶺路異明水懸旅泊吾道窮衰年歲時倦卜居尚百

里休駕投諸彥邑有佳主人情如已會面來書語絕妙
客驚深卷食藏不願餘茅茨眼中見

泥功山

前人

朝行青泥上暮在青泥中泥濘非一時版築勞人功不畏
道途永乃將泪沒同白馬爲鐵驪小兒成老翁哀猿透那
墜死鹿力所窮寄語北來人後來莫怱怱

鳳凰臺

前人

亭亭鳳凰臺北對西廣州西伯今寂寞鳳聲亦悠悠山峻
路絕蹤石林氣高浮安得萬丈梯爲君上上頭恐有無母
雛饑寒日啾啾我能破心血飲既憊孤愁心以當竹實州
然無外求血以當醴泉豈徒比清流所重王者瑞敢辭微
命休坐看絲鬪長舉意八極周自天銜瑞圖飛下十二樓
圖以奉至尊鳳以垂鴻猷再光中興業一洗蒼生憂漢東
正爲此羣盜何淹留

木皮嶺

前人

首路栗亭西尚想鳳凰村季冬攜童稚辛苦赴蜀門南登
木皮嶺艱險不易論汗流被我體所寒爲之眩遠邇爭輔
佐千巖自崩奔始知五岳外別有他山尊仰干塞大明俯

入裂厚坤再聞虎豹關屢踞風水昏高有廢閣道摧折如
短轅下有冬青林石上走長根西崖特秀發煥若靈芝繁
潤聚金碧氣清無沙土痕憶觀崑崙圖日擊元圖存對此
欲何適默傷垂老魂

大雲寺贊公房四首

前人

心在水精域衣霑春雨時洞門盡徐步溪院果幽期到扉
開復閉撞鐘齋及茲醍醐長發性飲食過扶衰把臂有多
日開懷無愧辭黃鸝度結構紫鴿下梁恩恩意會所適花
邊行自進湯休起我病微笑索題詩

細軟青絲履光明白氎巾淡藏供老宿取用及吾身自顧
轉無趣交情何尚新道林才不世惠遠德過人雨瀉暮簷
竹風吹青井芹天陰對圖畫最覺潤龍鱗

燈影照無睡心清聞妙香夜淡燄突兀風動金銀鐙天黑
閉春院地清棲暗芳玉繩迴斷絕鐵鳳森翔翔梵放時出
寺鐘殘仍殷牀明朝在沃野苦見塵沙黃

童兒汲井華慣捷瓶上手靈灑不濡地掃除似無箒明霞
爛複閣霽霧舉高牖側塞被徑花飄飄委堦柳艱難世事
迫隱遁佳期後晤語契淡心那能總針口奉辭還杖策誓

別終回首泱泱泥汚人
听听國多狗既未免羈絆時來憇
奔走近公如白雪執熱煩何有

乾元中寓居同谷縣作歌七首

前人

有客有客字子美白頭亂髮垂過耳
歲拾橡栗隨狙公天寒日暮山谷裏
中原無書歸不得手脚凍皴皮肉死
嗚呼一歌兮歌已哀悲風爲我從天來

長鑱長鑱白木柄我生託子以爲命
黃精無苗山雪盛短衣數挽不掩脛
此時與子空歸來男呻女吟四壁靜
嗚呼二歌兮歌始放鄰里爲我色惆悵

有弟有弟在遠方三人各瘦何人強
生別展轉不相見地塵暗天道路長
東飛鴛鴦後鴉鷄安得送我置汝旁
嗚呼三歌兮歌三發汝歸何處收兒骨

有妹有妹在鍾離良人早歿諸孤癡
長淮浪高蛟龍怒十年不見來何時
扁舟欲往箭滿眼杳杳南國多旌旗
嗚呼四歌兮歌四奏林猿爲我啼清晝

四山多風溪水急寒雨颯颯枯樹濕
黃蒿古城雲不開白狐跳梁黃狐立
我生何爲在窮谷中夜起坐萬感集
嗚呼五歌兮歌正長魂招不來歸故鄉

南有龍兮在山湫古木龍嵒枝相樛木葉黃落龍正蟄
虺東來水上遊我行怪此安敢出拔劍欲斬且復休嗚呼
六歌兮歌思遲溪壑爲我迴春姿

男兒生不成名身已老三年饑走荒山道長安卿相多少
年富貴應須致身早山中儒生舊相識但語宿昔傷懷抱
嗚呼七歌兮情終曲仰視皇天白日速

寄贊上人

前人

杖錫何來此秋風已颯然雨荒溪院菊霜側午池蓮放逐
亭違性虛空不離潭相逢成夜宿隴月向人圓

發同谷縣

前人

賢有不黔突聖石不暖席況我饑愚人焉能尚安宅始來
茲山中休駕喜地僻奈何道物累一歲四行役忡忡去絕
境杳杳更遠適停驂龍潭雲迴首白崖石臨歧別數子握
手淚再滴交情無舊淡窮老多慘感平生懶拙意偶值棲
道跡去住與願違仰慙林間翮

杜工部同谷茅茨

唐成州刺史趙鴻

丁部棲遲後鄰家大半無青羌迷道路白社寄杯盂大雅
何人繼全生此地孤孤雲飛鳥什空勒舊山隅

栗亭

前人

杜甫栗亭詩詩人多在口悠悠二甲子題紀今何有

仇池

宋魯百能

山占仇池地江分白馬氏潭深龍自蟄亭迴鳳曾棲

仇池石

蘇軾

海石來珠宮秀色如娥綠坡陀尺寸間宛轉陵巒足連娟

二華頂空洞三茅腹初疑仇池化又恐瀛洲感慙嶠南

使餽餉揚州牧得之喜無寐與汝交不賣盛以高麗盆藉

以文登玉幽光先五夜冷氣壓三伏老人生如寄茅舍久

未卜一夫幸可致千里常相逐風流貴公子覽謫武當谷

見山應已厭何事奪所欲欲留嗟趙弱寧許負秦曲傳觀

慎勿許開道歸更速

仙人崖

轉運使游師雄

玉作冠簪石作骸道衣褐警就崖裁精神似轉靈丹就氣

象如朝玉帝回兩眼遠觀獅子洞一身遙望鳳凰臺自從

跨鶴歸仙去直到如今不下來

仇池山

任彥棻

成邑西山最高者疑是周詩至芄野上有仇池百頃田白

馬氏羗住其下斗絕四面不可陟飛龍峽水出瀉羊腸
盤道苦難攀三十六迴遶石灣復有豐泉能廣利爨土成
鹽濟民艱嗟彼山城真叢爾乃有名山勢崱嶮憶昔少陵
曾品題洞天福地羨厥美我逐王事偶相遇擾擾長途苦
蹉跎倦遊不盡登臨意驅馬行行奈若何

杜工部草堂

郡守 宇文子震

燕寢香殘日欲西來尋陳迹路逶迤江濤動蕩一何壯石
壁崔嵬也自奇鷄犬便殊塵世事蛟龍長護老翁詩草堂
歛見垂扁榜却憶身遊濯錦時

前題

明正德按察司副使 李 昆

侵晨入龍峽香霏足雲霧崖際餘鑿痕云是古棧路遙通
劍閣門斜連白水渡杜陵有祠宇疇昔此漂寓蕭條驛驛
莽搖落傷指顧兩楹蓋數瓦垣毀門不具四壁繪浮屠訛
舛更堪怒拂蘚讀殘碑字漫不可句東渠臺中彥感此激
情慄創始伊何人興仆吾可作抗手進縣令茲亦豈末務
我當力規畫爾宜急舉錯會使道路人從知古賢慕予聞
重嘆息因之資覺悟東西走二京纍纍幾陵墓况復浮塵
蹤誰能側目注彼美少陵翁磊落君子度盛氣排海嶽雅

調續韶夔棄官救房瑄知名通好武不能殺陷賊靡
所污平生忠義心萬里迢迢步鬱鬱抱悃悃稍稍見詞賦
光焰萬丈長寧以華藻故諸葛顏韓范比擬固非誣乃知
賢俊迹百世所公護我爲歌長辭聊以效疏附徘徊未能
去倏忽煙水暮

前題

嘉靖隴
右道 白 鎰

對縣南山秀出岐少陵遺跡啓生祠豪吟憫世憂時志晚
景懷鄉去亂思大雅刪餘高獨步盛唐變後妙難窺詩家
門戶知多少神聖無儔總是師

前題

邑令 吳山濤

空山猶否薦芬芳
雨覆新成舊草堂
剩有冠裳垂數澤
曾無燈火照昏黃
林寒鳥鵲啼
夕豕狼伺路
傍莫道
生前怪一遇
千秋祠廟亦荒涼

前題

邑令 蔣 薰

羅合猶有宅
榮竟無家
谷智如
思溪光
即浣花
徘徊
鳥几席想像
白頭嘆莫謂
斯人遠
清風颯落霞

前題

邑令 楊 注

祠構南山下
邱原自古今
崇臺遺鳳跡
峻嶺聽猿吟
堂堦

衣冠冷碑殘劫火侵昔年長嘯處回首白雲淡
工部草堂古溪溪徑轉幽身從三峽隱哀向七歌留囊滿
驚人句家徒拾橡謀祇今禋祀在仰止幾千秋

前題

邑令 鍾秀

崖畔靈龕集天教一老居乾坤留面目山水見鬚眉
新承乏窮愁舊拾遺有魂招不得萬古此同悲

和前韻

邑人 汪蓮洲

山水凄清處昔賢有舊居
臺堪嘯月瞻風可舒
若忠愛
詠歌見文章俎豆遺彩毫
隆薦享允慰海天悲

前題

二首

西和令 王宇樂

遺跡傳聞久青山到眼新
登臨有我輩漂泊自前人
問道初歸闕驅車又去秦
誰憐垂白老盡室在風塵

休駕空山裏長鏡託此生
湫寒龍正蟄臺峻鳳無聲
草運荒庭暗蟲書四壁
明天涯岑寂意暮影獨含情

金蓮洞訪張三丰不遇

明禮科 胡濬
給事中

香書久慕嗟無緣遍訪丰師
感應處萬載紅崖生玉笋
千年碧洞結金蓮雲漢喜見
通明日雨驟只逢黯淡天
峭壁真光邀允劫赤心願
瞻白衣仙

登馬公絳帳臺

明邑令 劉璜

古臺春暖長莓苔此地曾經絳帳開
慷慨登臨人去久躊躇回首月華來
那云治郡無佳績却喜傳經得美才
千載斯文誰領會松聲泉語且徘徊

又

遺蹟飛雲靄斯文千古名不堪回首處
明月滿秋林

玩裴公蓮湖

前人

浮翠亭前湖水幽在歌呼酒醉雙眸穿
雲野鶴翔橫濱隔岸漁家繫小舟
夕照當湖花愈艷晚風吹掉雨初收
挽回

世態真無計領略湖光欲上流

又

舉酒邀游月採蓮芙蓉波賦成金筆寫
詞就雪兒歌

謝杜公草堂

前人

前山壁立與天通隱隱草堂雲霧中
欄世昌才詩萬卷遷時遮亂酒千鍾
盛唐三變知奇絕大雅一刪妙化工
雄根拾遺終寂寞詩家門戶獨高風

又

古屋傍山麓苔封斷石書欲贍丰采
下月影萬林疎

觀吳公保蜀城

前人

節鉞曾經保蜀功
故城荒蔓草濛濛
英雄萬古勳尤烈
興廢當年事已終
落葉亂流秋雨後
斷碑常臥夕陽中
阿孫不識經常節
恨使孤忠掃地空

又

雲日落高木
潺湲水自流
綠槐孤忠地
陰空萬古秋

過同谷

失名

地僻山荒
小人傳勝跡
多昔封吳將
塚藤覆杜公
巢仙閣
曾邀月仇池
不起夜詩成
飲酌酒酒
幾幾安

仇池宿

杜新

仇池行館最清虛
按部山茲得
枳車對竹只宜思
穴鳳臨流不可見
淵魚

忠烈祠

陳講

忠烈祠廟枕江鄉
肩鑰屯雲天地傷
一夕賈門收捷骨
百年宋鼎斷柔腸
傳留白石秋濤怒
魂在仇池秋草芳
山鳥似猶知此恨
飛來飛去唱斜陽

鷄山聳翠

邑令謝鏞

青峯碧岫聳如屏
蘭若鐘聲隔嶺聽
夜半無風松自吼
崖

前有草色長青鳥來佛閣閑雲冷僧住陰房白晝冥俗吏
乘暇投杖屨聊將俚句問山靈

香水仙洞

前人

乘興探奇不憚險仙源一徑入山尖數重疊障雲迷洞百
尺飛泉水作簾瑤草千年仍是碧蟠龍萬禩總如潛彫殘
地主何緣到問俗傷心淚欲沾

峽口飛龍

前人

流泉激石如噴雪峭壁懸崖挂島藤龍出淡潭雲正暗鳥
藏幽樹露多凝何人垂釣波光冷幾箇飛觴酒與乘我欲
掃苔隨意坐却疑空翠濕衣襟

睡佛山寺

前人

鷲嶺雲淡有磬聲上方古剎曉風輕龕燈有焰心魔鍊慧
性無塵眼界清黃葉滿山蘿逕窄青苔扃戶石牀平我來
先看殘碑字爲愛烟霞每獨行

樓月鐘聲

前人

門外樵樓先得月鐘聲四達九霄聞千家起色開朝露萬
井春光靄暮雲秉燭放衙因撫恤戴星趨事爲憂勤時時
清夜傳更漏怕有南山麋鹿羣

甲午初冬同趙一崔歐陽介庵宿鷄山寺

國朝隴宋 璣
右道

洞壑迷青靄松杉隱白毫客來秋已盡坐久月初高天外
羣峰小雲端板屋牢明朝臨絕頂筋力未辭勞

鷲嶺何年闢鷄巢此地傳松聲長似雨巒氣自成煙夢散
疎鐘外心清古佛前欲從仙吏隱結字共棲禪

看山心倍勇聞磬夜何清虎傍禪林穴人從木杪行振衣
霑石色高枕納泉聲羨爾仇池長類來屐齒輕

同歐陽介庵飲鳳凰山下
前人

峽口寒雲草木黃杜陵人去水蒼蒼朱絃一曲飛龍引相
爾重來下鳳凰

鷄山道
邑令 吳山濤

峻嶺高無極馬蹄襯落霞披荆筍鳥道指樹認人家狐鼠
伏陰壁雁鴻起淺沙徘徊扶立石何處問桑麻

吳公保蜀故址
前人

寨勢凌雲起吳王有故宮蜀關于設險宋壘不為公巖巖
銘高伐麒麟臥晚風嘉陵江上水百折必流東

蓮池亭二首
邑令 胡承福

山郭閒情入夏長
納涼引勝到池塘
風光乍得清如許
嫩
畔花開色色香

開罇香動綠荷天
風定花光澹碧川
幽賞新亭樂未已
何妨長晝日如年

奎樓煙雨

前人

四圍山色望中收
最愛文峰起上頭
天意欲多添秀色
湖煙雨到斯樓

仙崖積雪

前人

天開屏障列翠仙
骨立堅巖自老年
更借一番寒雪色
素

衣鶴臨玉山前

龍潭印月

前人

照水高崖樹影重
會看空際月華濃
波光上下澄如許
疑落明珠引臥龍

步胡公蓮池亭原韻二首

州守 葛時政

勝日尋芳興味長
圓橋屹立碧方塘
新荷纔馥微風送
不減西湖十里香

雨餘乍啓碧蓮天
翠蓋擎珠蕩滿川
香繞朱欄君子品
至今惹愛似當年

醉仙崖步游公韻

邑人 李甲璧

誰道仙人能化骸道家結束自天裁
遲回懶向函關去潦倒初辭王母回
雨濕酡顏依玉壁雲扶醉態下瑤臺
幾時識面游公後復有游公識面來

觀音崖

邑人 汪 璪

一龕天半開鳥道通來往談笑碧霞間
千岩聲應響

三峯山

邑人 汪蓮洲

何年華嶽分餘翠屹立三峯上通天
永日風濤流古樹不時雲氣鎖危巔
蜀秦關塞浮烟外江漢源頭落潞邊
回看

諸州殊覺近一聲清磬淨塵緣

鳳凰臺訪杜公遺蹟

前 人

鳳凰臺上杜公詩綠字苔侵不可知
自是彩毫手氣象高山流水兩爭奇

獅子洞二首

前 人

乳驚懸澗舊毛豎綠苔新踳踳洞門裏
歷年不計春掃石尋遺句按年認古人
留連無久待雲起怕迷津

金蓮洞訪三丰仙跡

前 人

平生性僻耽山水古洞幽閒喜再來
一徑穿雲踏碧草半

空倚石坐青苔春風淡蕩吹襟袖仙珮逍遙堪遡洞丹竈
芝房何必問綠陰深處卽蓬萊

玉井

前人

碧淺紅殷春弄暉更從玉井探芳菲
魚鱗直搗蛟龍窟晴日襟披雨雪歸

草堂行謁杜工部遺像敬賦并感憶宋荔裳學使者

舊題石壁亭址

集杜句

唐由

合

鄧鉅

有客有客字子美時危安得真致此白頭拾遺徒步歸嘉
陵江色何所似便至四十西營田故將移住南山邊應結

茅齋看青壁杜陵老翁秋繫船每夜江邊宿瓊椰好事新

之爲攜酒錦官城西生事微浣花草堂亦何有杜陵野客
人更喚數篇今見古人詩黃精無苗山雪盛波濤萬頃堆

琉璃三年饑走荒山道多才依舊能潦倒斗酒新詩終自
疎知與山東李白好峽門江腹擁城隅柴門雜樹向千株

南尋禹穴見李白肯訪浣花老翁無况是飄轉無定所恐
懼棄捐忍羈旅南有龍兮在山湫撇旋梢漬無險阻飄然

時危一老翁歲拾橡栗隨狙公宋公放逐曾題壁蜀窵丹

青戶牖空

夏日遊蓮湖和亭上原韻二首

邑令 鍾秀

玉井虛傳十丈長，何如不染出橫塘。那須更讀濂溪說，時有飛來自在香。

碧波倒漾水中天，城裏居然滂大川。亭額卽今經一世，和詩猶憶作詩年。

中元後二日招集諸紳士蓮亭看花卽席限韻

前人

清韻幽香勝小紅，襲人豈待鄭公風。異時殿角分金炬，今日釵頭綴玉蟲。蠶飲政宜臨澗曉，蟻光常恐起豐隆。和成

三言元白信有吹來萬不同

和前韻二首

邑人 呂綸

湖水西來源水長，洞開一鑑注方塘。培成太華峯，巖景五嶽襟懷流遠香。

山城一曲小壺天，夾岸濃陰護碧川。波靜鷗鷗浮上下，青蓮遺愛自年年。

石秀才 在杜公祠旁

前人

古道傲雲窩，亭亭意若何。孤忠一片志，歲月忘蹉跎。

飛龍峽

前人

石搏沙浪語樵唱暗明間臨岸徘徊久敲詩得句艱

壬戌中秋前五日因公駐成適遇連雨相偕曹明府

禱晴初霽步至蓮亭頗得逸趣口占一律誌勝

禮縣令 朱元裕

田田翠蓋滿池塘幾朵殘紅映夕陽新漲綠波依岸合斜
飛白鷺掠荷香亭虛淺黛迎嵐色雲散空明漾水光爲愛
怡情一徙倚憑欄得句勝流觴

成邑八景

裴公蓮沼

邑令 黃泳

幽沼藻風動裴公餘澤存碧雲常護朶白玉尚留根魚靜
花爲室筒香酒入罇幽情亭上望清吏亦詒孫

龍石留形

靈岫望蜿蜒奇雲起石邊岡崇形夭矯春曲儼盤旋裂髓
聲鳴谷流泉氣吐涎神來通水澤千載潤桑田

子美草堂

石室洞流漸山幽留拾遺心隨秦嶺日目斷草堂枝亭闕
雲爲補春來花作籬浣溪人已邈柳色寄遙思

鷄山巖翠

靈寶曾名國鷄山亦冠雄平分藍嶺色昂首紫霄風曉殿
嵐凝碧晚棲霞映紅爲卑函谷客獨立鎮菁葱

溪潭龍飛

水國泉多異溪淡浪鼓山風雷騰地窟霖雨出天關波靜
難窺影雲興仰識顏千尋同谷穴疑上禹門開

高臺鳴鳳

舉嶽雙千仞苞符臺出羣迎陽近日麗挺秀煥星支丹彩
占多士和鳴識聖君秦樓縱舞羽不及此凌雲

仇池百頃

一澗流瓊液千畦溼繡疆縱橫成井畝高下利方塘麥浪
連波碧苗花帶水香仇公留澗下瘠土飭膏粱

石洞五仙

福地洞天開何年到五梅露從銅掌接石自姥峯來週嶽
蹠躔駕飛湖綽約迴桃源且莫問仙侶勝蓬萊

又八景

奎樓烟雨

層樓秀靄接雲峯萬戶烟光入雨濃畫棟迷離流翰墨珠
簾捲送濕雲鐘遙山隱約舍文豹近水翻飛起臥龍應是

聖朝化澤遠故教靈氣護重重

鳳臺流雲

崇岡熾羽對朝陽晴日雕輪飛紫光五色開時裁帝錦三
台淡處煥天章風飄谷律闢山暖月轉霓裳殿閣涼炳蔚
雲蒸神不滯常隨丹藻出蒼茫

草堂對石

洞古雲空憶少陵堂前兀石尚亭亭昆池鯨甲千年冷
谷楊枝幾度青常對堅心盟華省肯隨腐草逐流螢奇形
如作人間語應使梅花夢頓醒

仙崖積雪

崖頭仙氣迴盤桓鶴影冰姿積翠寒玉屑無心留洞府瓊
漿何意剩橋欄月明弄女容爭皎春到梅花點欲殘不是
山人餘白雪陽春獨擅和皆難

龍潭印月

光怪靈潭氣欲吞波平浪靜一輪存鏡連五色龍成彩珠
映千鱗月印痕高下空明同白晝天淵清徹燭黃昏蟾蜍
不道雲簾護恐動池中鼓浪噴

香洞流泉

石穴深巉香氣幽一泓疑自海南流
鳥啣芸草深林啄水帶桃花夾岸浮
翰墨凝雲來玉洞瓊漿飛雪赴仙舟
何須洗耳崆峒下漱齒餘芬千載留

裴湖冉香

同谷山城香滿湖丹容靜植向天衢
心通靈犀清茶入花發蒸霞仙氣扶
濯錦白憐擎雨蓋含囊不教濕泥污
慙慙寄語亭中客莫把芙蓉點艷圖

梭羅春柳

疎村弱柳暗參差春到遙看嫩綠垂
芽含飛烟凝翠葉夕陽好鳥弄輕枝
絲牽飄渺離亭恨色擅風流年少姿
謔道梭羅無織錦嚶鳴何處不乘時

鷄山聳翠

射江黃浦

鷄山形勝冠蘭東秀削千尋昂碧空
曙放嵐光迎日彩晚籠烟氣映霞紅
岡連子母靈通寶嶺辨陰陽風擅雄
遙望華峯蓮頂上平分一色到成中

裴公蓮湖 古風二首

黃 泳

名花不擇地城市香滿池問君誰愛爾
含笑無一詞赤白任天質卷舒亦惟時
入水不浸淫露泥復何滯亭亭仙骨

植幽幽碧雲垂自得栽者意未與俗人知香遠月在溪高
情長相思垂釣莫傷葉盪舟休折枝清房尚未冷濃露亦
遲遲上有凌雲蓋下有冰雪絲

湖上南曛來披襟獨當戶芙蓉微風入悠然思太古昔日
晉公堂綠野花無數同谷貽知己亭留後賢補潘岳齒未
衰啣盃花起舞圖成君子居姚魏徒繁圃功名薄浮雲何
須論清富對公如對玉可親不可侮擬諸幽谷芝無人香
滿路寄語遊觀者慇懃好珍護

裴洲秋霽步 朱太尊韻

邑人 汪子雍 乙卯

萬里晴暉廠碧塘一泓秋水映斜陽娟娟翠蓋迎風舞
冉紅蕖帶露香鷺浴湖邊翻霽色魚穿波底漾清光新芬
滿眼幽情寄好把荷筒代酒觴

春日謁少陵草堂

前人

春日尋芳事可師東風淡蕩拂晴絲不瞻有客卜居勝空
誦驚人擅世詩峽度長安一片月樹含渭北九迴思更留
心血鳳臺上千古詞人總未知

登馬公絳帳臺遺址

前人

派分鄒魯漢名賢講席高臨北斗懸滿座春風煦帳外一

天化雨沐臺邊道歸宗國三千里忠補遺經十八篇爲仰
當年樂育處到今聲教尚留傳

遊仙人崖

前人

端然臨絕巘氣象儼崢嶸骨是山堆就胎由天結成乾坤
隨俯仰日月任虛盈鳥弄歌聲晚依稀聽鶴笙

到此真奇絕恍然別一天蒼松時帶雨峭壁日浮烟飲翠
心如醉忘形我亦仙浩歌頻兀坐何處著塵緣

鷄山

前人

霞飛雲蔚采斑斑鳴應常聞雲漢間響聽春雷知報曉天

池有路近斯山

蒼澗

前人

叢樹蒼茫鎖翠巒流泉細細小橋寒人從鳥道穿藤去山
半樓臺烟裏看

登鷄山頂

邑人江仍庚子舉人

此日登臨到極巔羣峯俯視總茫然等閒識得天池路萬
里風雲萬里天

少陵草堂二首

補遺

明洮岷兵備副使楊賢

飛龍峽外鳳臺空子美祠堂在眼中俊逸每於詩裏識拜

瞻今始意相通尋芳敢學遊春興得句忘歸戀我翁不是
魯狂欲弄斧願言乞巧度愚蒙

明邑
趙相宇

廟柏青青又見春高名千古屬詞臣濤聲漱石吟懷壯嵐
色籠霞道骨真幽憤斷碑繁客思清風苔砌長精禪情淡
不覺嗟同契爲薤荒祠啓後人

雜記

有宋乾道九年歲在壬辰暮春之月甘露降於成州仙岩
之下野夫來告郡人聚觀咸曰太守王公踰年政成訟無
留庭盜不警野治尚寬大神人以和雨暘不愆年穀屢稔
和氣鼓舞嘉祥並臻龜蛇見於聖境瑞露零於仙岩與漢
武都守李翁所紀頗同彼以治蹟便民此以至誠格物不
可無述昭示方來云爾公名中正字子直河州抱罕人同谷
令普安王康記

重修杜工部祠記

明教諭

管應律

少陵公祠其來遠矣仰窺俯闕山光水色映帶恢恢大觀也哉歷代名公咏歌以紀其勝者雅多奇蹟嗣是棟宇傾圮風景依然謁祠者每愀然發孤嘯焉我趙侯奉命尹是邑春日修常祀登堂拜像賞鑑殊絕乃捐俸命工以經營之不日落成祠煥然一新事竣應律等請題紀勝侯義不容默倚馬揮一律灑灑傳神盛唐之風韻不過是也起少陵於九原其首肯矣勸勒石以誌不朽若夫政通人和百廢俱舉邑人士耳而目之別有紀焉侯三晉世科也諱相字字冠卿號玉鉉太原之狼孟人萬歷戊午仲春日記

重修北極宮記

同谷對景南山青嶂環列東顧鳳凰西接鷄峯仰參雲霄俯瞰龍峽壁立萬仞遠眺如道士之容此其所以得名也轉運游公留題云此詩寫盡奇境懸崖置屋右元帝

及宋真人并和真人聖像崖下舊有祥雲觀基擬欲重修大宋乾道壬辰甘露降於仙崖龜蛇見於聖境豈非真游之瑞應耶自兵燹後殿閣隕圮道路荆棘聖像雖存香火之奉闕如也有武信軍蓬溪縣謝先生者因丙申蜀難飄泊隴西臨洮間見時世未寧遂舍俗出家後禮自然子爲

師得通元法時以濟生渡死爲念行符設藥治病救人無不效者見大兵經過處橫屍滿路在在暴骨動怵惕慄隱之心自隴西臨洮諸州遍巡道隰原野自負畚插掩骼埋骸十有餘年不知幾千人矣比至西康州王老元帥武侯見其積功修行請住道士崖同陳先生焚獻不幸陳早歸化後得順慶何意貞瑩江何正真協力同心率徒衆櫛風沐雨自儆木石之功補廢支傾修建 玉皇殿北極宮祠廚房倉庫一一全備棟宇翬飛樓閣壯麗迴出烟霞之表顯昭仙靈之古跡真西康之勝境也邇來有遊山薦香者於崖壁間時聞鐘磬之聲此地與仇池不遠無乃亦通於小有洞天者乎落成索予爲記予不文爰記其始末以詔來茲云至元辛亥年秋普慈盤溪子記

白虎解

明知縣 張樂舜

縣治南山有石儼然虎形而北望昔談者以白虎當門亦將有不利於縣主者神其說遂塞中門東西其走以避之嗚呼豈有縣之利不利取決於石虎也哉若謂石虎爲不利於縣則風虎何必贊於易虎嘯何必頌於褒大人何取於虎變士人何樂於虎榜也耶大都縣之利不利不在於

石之虎不虎惟在於人之虎不虎也今之人有峩冠博帶
 堂呼階諾叱咤生風民不敢犯者矣此非虎而冠者乎有
 憑恃威靈依託權勢奮爪張牙民不堪命者矣此非虎而
 翼者乎又有恣意苞苴任情賄賂囊橐充溢吞噬愈甚者
 矣此非虎而餓者乎甚者陰植私交中傷士類負隅為險
 猛苛為政刻狠左右塗炭生靈此又非彌耳俯伏虎而臥
 者乎有此數虎使之憑高而視下則元元之衆其不變開
 道之色起司馬之畏奮下莊之刺者幾希矣其不至盡塞
 其中門舉東西其走者幾希矣茲於縣利乎不利乎甚於
 白虎當門乎否乎南山之虎不利於縣堂上之虎不利於
 民今之人不怯堂上之虎而徒忌南山之虎亦惑矣雖然
 猶有說焉以石視石則其心肆肆則上無所畏下無所恤
 而其為政也日暴以虎視石則其心懼懼恐上負天子下
 負生民而其為政也日善恭與善惟其肆懼何如耳懼與
 肆固利與不利之端耳若曰白虎當門為不利於縣余固
 信其必無此理也余邠人己丑秋來典是縣因詢其故遂
 開中門塞傍徑撰斯說以破千古之疑

勸瘞骨說

蜀中
 江人 喻大壯

自西自東載駝載駟率彼曠野哀此流亡不問何里何鄉
總屬皇圖中生齒不知誰姓誰名盡從母腹裏胞胎有體
需裳有口就食靈頑縱或異格嗜欲無不同情豈料運不
逢辰適際天之杙我頻年兵燹到處災傷拾草子以充腸
並草子而糴不可得徙他邦而餬口顧他邦而凶復猶然
生之既無生涯死去又無死所或遊魂僅存於一息而乞
兒爭剝脫其爛衣或大雪已擁夫半軀而義犬猶守護其
下體或倒支於巖扃可稱泉石膏肓或偃仰於荒郊豈是
沙場醉臥似山魃而有影肖骨拙而無枝孔懷乏兄弟之
求曰歸誰朋友之殞嗟乎饑寒醉飽世界上固多不同命
之人血肉髮膚一身中豈有不歸土之物任爾天荒地老
彼雖痛痒無關睹彼月暴霜零我則見聞何忍所望同爲
人類均發佛慈或說法以勸曉人或量力而行陰隲以眼
爲光明燭以口爲方便門不過一撮土之多未爲傷惠卽
效萬人坑之舉寧至勞民君子之庖廚猶誠於聞聲食肉
聖王之月令屢切於掩骨埋胔惻惻此心蒼蒼可鑒楊環
魏草非圖有報之施賈哭鄭圖聊代無告之訴仰號大德
俯味小言

納糧戶

邑令劉昌允

納糧戶來何難進城雜差非一端鐵繩麻索爭托鎖差人
分去手中錢錢盡脫身猶無路揭債典衣無所措苟能身
脫衣盡剝視城猶如鬼門路催頭收頭任意收賣男賣女
誰能顧公私耗盡名色多幾曾毫釐登官簿年年分數不
及額欠糧不是納糧戶

禽言二首

苦苦苦避却蒼鷹逢乳虎年年剝削無了期今見官中生
卓魯苦苦苦

急急聒號寒啼饑難過活賣田且了今年租辛苦來年只
備作急急聒

登山禱雨記

邑人鍾其碩

歲庚辰三月余叨令安衆之再一幕春也先是邑里蕭條
四野荒蕪余受事以來苦心招撫無力者設處牛種以給
之近郊之麥頗覺盈疇正值揚華之際而天久不雨民咸
疾呼余心有憂之甫修虔告廟有事於祈禱而當道憂旱
恤民其情更愍果有檄飛至矣余用是率屬禮神朝夕徒
步爲民請命越二日雨而未溼也越四日又雨而仍未溼

也從旁有藉此可以罷禱爲言者余正色斥之曰旱魃爲虐狂風怒號雲將合而復散雨方作而旋止卽有點滴之灑杯水何救乎車薪若遂以此了事吾誰欺欺天乎於是緩徵有示健訟有禁一意密禱公退之餘寢不安枕如是者十餘日而風愈烈雨愈艱則旱愈甚廼進諸父老而詢之曰余觀邑志載有五朶之山三潭之水必能興雲施雨余何忍惜跋涉之勞不以救我災黎也諸父老進言曰五朶三潭距縣治百里許其山最高其水最幽而其神亦最靈在昔承平日亦不聞有遡源而防巔者况頻年寇氛肆

毒附山居民盡遭屠戮如廣洋店水茨灣等處人斷烟絕獸蹄鳥跡竊恐樵採弗通之徑非父母之騎從可得而入也余聞言遂慨然以其身殉之援筆成文以祭山水之神其中有云若果奉職無狀盟心有愧此行必遭降割而不得生還諸父老遂唯唯退聽不敢再言以泥余行余乃更爲之齋戒沐浴選日取道以念五日丙午同司訓周君諱統允幕廳杜君諱日泰庠生郭子如儀劉子興國門子庭蘭張子人傑呂子永調丁子鵬翀偕往騎不數十里而川原欲盡崗巒漸逼顧瞻五朶峯岫插天林木匝地隨從者

滋有懼心焉僉云維潭有三維水則一淡箐幽杳山徑久
塞必欲汲之於頂何如汲之於足之爲便乎余斷不以此
自阻且與衆約曰今日登山之役非屬漫遊可以去可以
無去者也若止臨下潭則諸父老昨者之言爲足信而余
今日之意爲弗誠不若直窮大潭旋涉二潭三潭卽拜汲
之水亦可以一直負戴而下衆皆曰諾余時心乎爲民忘
乎爲官與民隸逐隊而行披荆棘蒙霧露或先或後雜然
并進行至日暮猶未抵大潭之側而露宿焉徒倚林邊跌
坐石上若髮僧行徑頓掃五濁夙腸而衆虞林莽中惡獸
儘多設或有一於此黑夜何以備之廼命從役四圍舉火
須臾光焰所照恍然太荒之野忽現一琉璃世界也不能
就寢仰觀雲霧霽而布雨滴滴而來因口占一律曰憂旱
來祈雨扶筇遠陟巔三潭奇闢地五朶高遮天虎豹在還
藪蛟龍出沒淵我來成夜宿坐臥白雲邊蓋以是山之巔
有古剎名白雲故也厥明丁未扳崖而上徑益崎嶇木葉
之落地者尺餘行步牽絆倍爲艱辛於是採竹作杖且行
且止竊嘆世之不善登山者一往而力竭則何如余之不
疾不徐得以息神養氣而履險若夷也因諭前導掃石作

凡陳設香火又口占一絕曰穿雲度鳥道尋水過石梁若
問儂何事慇懃一瓣香忽然峯迴路轉覓潭不待有云在
山之左肩者余教同行以魚貫而下之法方始達泉拜畢
起視懸岩峭壁直可伯仲華嵩岩上之水瀑布懸流勢若
從天而下其磅礴奔騰之狀已恍然現一龍象又口占一
絕云水色山光世外奇玉屏萬丈掛銀絲可將名利捐除
日爭奈予遺望救時一時山靈式鑒或者不厭俗吏之至
而苦緣凡想塵根未曾一刀兩斷則促余歸者且踵至矣
雖然神龍變化有感必應雨師風伯淋淋瀝瀝振响松竹

之間若有意迎余以來而送余以歸也又口占一絕云不
從路嶙峋艱難此一到帶將風雨歸不枉探幽奧更可異
者以空甌置潭之石上不令入水而水自生焉孰謂其無
神也耶因嘆息不已而反維時日已近午從者卽摘山間
之蔬以啖余席地而坐不拘禮法余益信霍食者之高而
山居者之樂也轉折而下霧迷山頭人行天際雨始終不
休衣袂之間公然帶有雲氣及至二潭三潭一在山之腹
也一在山之趾也石闢而爲雨水漚而成泓形勝依然大
潭而汪洋渾灑則過之且三潭之中一竄自波心而出已

云怪矣而微窺迫視實有鱗甲隱躍不可方物之奇設余未親履其境而人來告之以狀必以爲誕而不足信也又爲之口占一絕云尋到源頭折轉來驚看仲穴更奇哉汪洋浩渺靈應聚豈吝霖霖藏石隈此紀二潭之勝也又爲之口占一律云水是一源水潭分三穴潭石函匪斧鑿山岫繞雲嵐不解蛇浮面偏驚龍在龕精靈質薄處風送雨和曇此紀三潭之勝也題畢遂行是夜卽宿龍神古廟亦數日與候結聚之奇緣哉於時大雨如注聽而不寐迺猶雨止在山而不及乎城此心終未寧也及旦戊申令行

不數里有郭君諱慎始李子諱玉陳子諱廷諫諱良言者逆余於途備道自余入山之日便作商羊之舞按期與山中無異余始放心開顏與諸君多士飲茗旣畢冒雨而回然終不敢貪天之功以爲己力而掠神之美以示民恩則余之行與雨之期謂其爲適相投也可大率此一役也道僅百里時逾三日快心者三而不快心者亦有二焉余以祈雨來而卽以帶雨歸雖濕盡冠履泥途沾足不以爲苦且起視田間青黃交加光景迥異卽未能如昔人晴蓋入雨蓋出之芳踪而反之寸心亦可以質神對民而無愧色

此一快也余來之日減從登山行而祝祝而疑而今反之
日歡迎道左老與壯壯與少咸焚香頂禮既喜雨之霽霽
又憐余之拮据此二快也余聞昔人入山登絕頂挹泉源
者最少而余兩日在途以一日而覽盡三潭之幽五朶之
勝雖少驚人詩作賦才而嘉顯有靈猛虎毒蛇屏息潛藏
惟有枝頭鳥語泉中水聲石丈人起伏松大夫拱立恣余
耳得成聲目遇成色則趣良不淺耳此三快也若夫三至
厥潭之旁廟宇傾頽神悉臥地此皆昔人不善點綴山景
以有今日也不快者一矣往還山阿之中亦有民居民田

舊跡可觀而詢其邱墟之故則又觸境生悲而轉動余許
多長太息者也不快者二矣入城以來低迴躊躇終覺快
者之異於不快而又慮不快者之何以得底於快也是爲

記

同谷八景說

國朝
知縣 胡承福

同谷爲古名勝地其間水秀山奇美不勝紀惟見之廣與
所載得之遊覽行吟佳麗特出者約爲八景圖之以畫併
志以諱其一爲奎樓煙雨戊寅秋南山之巔復修魁樓蓋
仍舊也一帶煙樹陰濃青翠之氣常繞樓前細靄疑飛空

翠欲滴擬之嘉湖煙雨不啻然矣樓前盤曲入峽維山有石方聳如臺是爲鳳臺流雲說者謂當日有鳳過此立乎其下因以得名縹緲雲飛依稀鳳舞洵觀遊之最佳處也臺下磊石滿澗錯落靈奇是爲卓堂對石按卓堂爲工部杜公而作乾元中公從此入川愛茲山水泉石留連逾月不忍遽去邑之人思其高風立祠而春秋祀之廟貌依然泉石如故千秋瞻拜所至當亦樂遊從之爲盛事也由斯出谷西轉南行與城郭相對是爲仙崖積雪南山橫峙列石爲屏屏列仙像惟肖衣帶鬚眉如生如畫廣輿所謂七仙崖良不云謬崖前雪霰鳥上垂瓊真則明如玉山上入也崖西橫望數里水遶山連危峯特聳是爲鷄山登翠岐陽以西多以鳥名地曰寶鷄曰鳳縣曰鳳凰臺曰鷄山說者謂同一鳳過識之名鳳誤之名鷄茲或亦誤以名此但四面羣峯鷄山獨上松青栢秀翠羽欲披蓋亦巖巖一具瞻也又西去豐泉山行六七里溯流入谷則有龍潭印月崖影低垂波光上下漢李翕爲武都名太守嘗篆五瑞圖於壁其一曰黃龍所謂水不在深有龍則靈其在是歟若清秋蕩漾以銀輝澄波合射於珠影臨流至此當亦撫景

之致足樂也凡此皆自西南以東名勝特著若夫東北林壑尤美蹊逕不凡則爲香洞飛泉者是洞以香名志異也香從水出故以名洞銀泉飛白漫擬水晶玲瓏岩石滴聲如對珠簾掩映如斯境地迥別人間凡此又皆環城四外四顧爭奇若夫廻視城中池比西湖歷久彌韻則爲裴湖冉香者是自唐裴刺史引水鑿湖手澤遺千百年而未有墜湖心有亭亭畔有橋前曰雲錦後曰霞漪景斯美矣每當夏秋之交綠荷滿池清香盈座擬白隴右西湖斯亦地之絕無而僅有者也嘗攷地輿誌見夫名山大川不一或有地傳或因物顯或以人名茲如奎嶺如仙遊如香洞因地傳也如鳳臺如鷄山如龍潭因物顯也若李太守之築湖留石若裴刺史之開湖留香若杜工部之傳祀草堂皆以人名並垂不朽此以知千萬斯年境物不變人亦常名人顯不重哉余不敏樂從其後而特誌之或亦因境物而思存人之意相與終古焉爾是爲記

置義學田記

邑令 曹增彬

郡邑之設庠序所以儲成材外此若社學若義學又兼以育弟子蓋不欲成人有德而小子之無造也縣治有義學

由來久矣館義學者亦代揀有人獨膏火之資缺焉無具
予其惜之爰捐俸米兩置地壹拾伍畝為每歲義學師取
其租以少助焉非謂遂有所裨不過聊為倡始云爾其地
在城東三里外名宋家堡入堡門內頂上之地悉是係中
里民宋繼周紹周所賣者其糧米升該銀玖分陸釐陸
毫卽以義學田為糧名仍載四甲冊內今現捐完繼諒有
同志恐歷久無徵因勒諸石以為後之張本

虎災祈 城隍文

邑令 黃 泳

明明在上隱操禍福之權赫赫以臨默賜生全之澤誠求

必應有無斯無 雖在維一方庶全斯土既憫天以宜

祀應佑民而除災者縣北黑峪河一方猛虎肆虐白晝

食人昔因時然今乃彌甚聞斧聲而即至聽足音而向前

擊骨何存血染荒郊之草妻孥誰依悲淡巖谷之間耳不

堪聞口何忍見雖死生有命因定數之難逃而黎庶多傷

實職守之滋愧用是戰兢於夙夜因之虔告於神明虎若

有知應同渡河之異 神其默相式彰驅逐之威如苟

前橫行是與 神人相抗否則毫無忌憚竟自冥頑不

職奉

命撫綏豈肯聽其殘復有死惟是乃矢流乎期以盡滅大蟲
謹禱

禱雨鵝山誌

邑人黃泳

余蒞成之同年己未夏五鵝山不雨二麥憂稿余時集僚
屬耆民宿於鵝山廟以禱越二日議請泉鵝山黎明偕縣尉
張光永步往至山腰更拜以前久之見面而有洞掛半壁
間緣崖扳石以上則如集木如臨淵恍然身在白雲邊也
抵洞下則左刻白馬神像右刻前人禱雨詩殘缺不可卒
讀余通誠畢命從者發燭持火翼以登門僅容一人履不

級入則寬如開屋可容數十人低處積澆水無進

小入必俯首側身乃囁先入者前提在外者後送余幸無
恙而斜則破衣傷肋矣嗣是於石壁中徑通一線足履履
坎手掖壁蹬以行約百餘步而洞加宏厥容千百人其中
幽異絕塵高則燥下就濕信靈物之窟宅更進三四十步
則冷氣砭肌膚左洞深暗不可極右則危石而立上必懸
人肩積三人乃達徑復浸滑不易行時從行者諫阻而余
亦惴惴乎不敢復登矣遂以三人上請聖泉余惟佇立遠
望見燭火明滅閃爍若星計行五六十步及泉當去時水

無滴聲迨凝注水滿而石間流漸俄而三人者返曰醴得
矣希速行余乃由舊道肅趨返及夾壁中而濕濡履比出
水已汨汨乎流溢洞口矣隨陟山巔禮普賢像俯視衆山
攢立山城斗大東西數州在指顧間洵極天下之大觀矣
爰下山護水歸卽日雲起次日微雨又一日而雨露足禾
麥暢茂迨秋邑之西成獨豐是役也余以司土爲民請命
因陟險阻臨不測比歸數日而神情飛越如在洞中因念
先君子宦晉江日以早不憚溽暑步騰清源泳時侍從今
此之行亦期克繼先志耳敢詡勞哉然而洞天景物與
天山靈響應之蹟是不可沒也因爲之記云

創修奎樓記

邑人

汪于雍乙卯
選拔

縣治東南隅舊有聚奎閣然無跡可攷矣自移治上城

國初遂於上城之異地建奎樓焉不數年旋圯後又議建於
飛龍峽山之左翼不果行迄今六十餘載奎無正位每歲
春秋兩仲設主於戟門畢乃祀事雖雲漢光芒昭回於天
表者無土不照而香火無地拜瞻無從則無以棲神斗何
以量才筆何以點金何以抒發我性靈啓佑我斯文乎殊
屬闕典今錢江吳公來蒞茲土慨然以培植文運爲任

相東南舊址爲一邑風氣攸關乃集通庠議建奎樓上安
神像俾禮祀有所憑依鳩工庀材取資皆出諸已樓列三
級制八卦重簷棟柱窻櫺無不丹彩精工經始於雍正十
二年落成於乾隆元年襟鳳臺而帶龍峽溪切川嶽之毓
靈馳桂籍而踏杏林實藉斗牛之孕秀居斯地者當思何
以奮筆花光斗極毋徒委諸風氣而自懈於濯磨庶不負
公培植文運之意也告竣之秋雍適自北雍歸里樂其觀
成爰沐手而爲之記

石盤山神廟記

邑人汪

似庚子
樂人

城北三十里有石盤山自天嘉上祿扶輿磅礴而來三百
里盤結於此翠峯插天鬱然溪秀山陰有古洞洞有靈湫
焉其神爲三位仙真妃子古傳其能興雲雨神變化水下
土蓋成邑靈應湫神也方俗誠信是禱爲作廟祀之若與
神呼吸可通者而神亦若樂與人親也每旱澇瘟蝗災禱
之事無不屢禱輒應捷若影響好事者或奇其說謂斯神
本邑人杜氏一門三女生而聰慧靈異後忽並坐寢化上
帝命爲此方之神靈於茲山其一家父母兄弟姑姪皆沒
而爲神今山麓有杜氏水溝蓋卽其故里也然其說荒唐

姑弗深考猶憶余童子時歲大旱嘗從邑中諸父老步禱
茲山陟崗度嶺直詣古洞洞口濶可五六楹上下萬仞壁
立外有修竹萬箇密覆成林一路奇花異卉吐秀舒蕩如
行山陰道上令人應接不暇其洞穿崖蜿蜒而上深窅不
可紀極禱者燃燈燭引入見中有洞天於石上突開三泉
泓然而清至此弗敢深入然已凜乎其不可留也蓋其地
幽遐名勝逼真人世仙境其爲神人所樂棲理或然耳夫
巫山神女朝爲行雲暮爲行雨率往往爲古今才人話柄
而未必有功於民生神萃山靈秀麗正淑之氣果能歲降
時雨以穀我士女於無窮乎其廟食斯土也固宜廟址舊
在山麓水涯斯土之人慮其河水浸齧久而將圯也迺於
廟左北上擇其地高塏者鳩工庀材不數月遂成巨觀王
竣丐文於余以誌故爲誦說神功而走筆書之

城隍廟重修蓮橋引

汪于雍

縣治西數十武有城隍廟環廟皆水盈水皆荷攻其始
唐成州刺史裴公所鑿也中構湖山堂前後有橋一曰雲
錦一曰霞漪背接城陰面挹山翠鳳臺在左鷄岫在西飛
絮滿天皎皎橫塘堆玉屑落英鋪地紛紛夾岸染胭脂荷

承雨而弄珠璣苻牽風而拖翠帶魚梭織水錦甲忽西忽
東蝶板翻花香風時輕時重菖蒲抽劍菡萏舞筆呈於前
者無非造物菁英蟬琴迭奏哇鼓頻鳴接於耳者盡是乾
坤律呂玉鑑清而天光照水壺朗而雲影浮清風徐來不
翅洗心三昧紅塵消去儼然洞府十洲故在昔以 城隍
廟正建於中夫 城隍守土尊神也彰善癉惡捍患禦災
官斯土者固當敬事神明生斯地者疇不仰承覆載徒知
入廟而起敬忍令神居之荒唐雖正殿兩廊尚堪肅其香
火而蓮亭花檻幾將問諸水濱不惟難以安神亦非濟景

邑侯黃公德政去思碑記

邑訓 楊聖敬

從來上之治民者政也而所以治之者德也政不本之於德則政非其政也民之思上者思其政也而所以思之者思其政之本於德也政不本之於德則思之無可思也夫誰是政必本之於德而德常繫人之思者則我黃公其人乎

侯諱泳字弘濟四川射洪人以康熙辛卯登賢書

乾隆戊午來蒞茲土壬戌歲以計誤候補前後五年善政多端筆難殫述試卽其梗槩言之卽如借糶倉儲政也我侯借領則計口分給平糶則先時核減使窮簷得沾實惠

徵收錢糧政也我 侯徵銀則惟正是供收糧則戒勿取
 盈而吏胥不得中飽勸課士農政也我 侯課士則採芹
 泮水勸農則稅駕桑田而秀朴皆承雨露煮粥救荒政也
 我 侯粥則旨否親嘗食則調劑有方而凶年不遭癘疫
 至於驅虎狼而北去渡河靖菘苻而鼠竊斂跡種稻田而
 地興水利斬荆棘而路闢周行則又皆以好惡同民之心
 而為興除利弊之舉他如施藥而歲以百餘金活人疲癯
 得復遂其生讀法而兼以六字歌勸民漁樵皆樂聞其說
 又其大者梓潼宮舊病湫隘 侯蒞任之初即為捐俸修

理斯文為之生色同谷志久無成書 侯卸任之後猶為
 付梓成集與史並垂不朽凡此皆人所當為而不欲為欲
 為而不能為能為而不肯為者也而 侯一一為之 侯
 之政何一非 侯之德所流露而出者乎 侯之德何一
 非民之心所維繫而思慕不置者乎 侯於壬戌夏六月
 十六日解任旅寓館舍其於民可以已矣而民間疾苦時
 勞顧問問則務極其詳民於 侯亦可以已矣而雞酒微
 物時來饋獻見者無不流涕是則 侯之於民也已別石
 樓猶繫召父之嘉既歸東里還勞衆母之心民之於 侯

也未過峴山已墮羊公之淚尚留南國早護召伯之棠而
在在可知矣而去後更可知矣繼自今 侯之政本於德
者卽不能枚舉縷陳亦安可無一言以述其梗槩也哉是

爲記

乾隆八年
季春續入

誥勅

勅封戶部江西清吏司主事汪潯
景泰元年六月二十一

制曰戶部司養民之政其任匪輕故置屬僚於諸部苟
非其人曷稱厥職爾承德郎戶部江西清吏司主事
汪潯發身賢科擢任斯職克勤且慎用舉厥官茲特
賜之勅命以示褒榮夫國家正治官以責庶務之實
爾益懋廉慎以副委任之隆欽哉

勅贈汪宗賢戶部主事
景泰元年六月二十一日

制曰國家推恩臣下必及其親者所以重本而勸孝也

何間於存歿哉戶部江西清吏司主事汪滸故父宗
賢佐郡有聲民懷其德惠復承厥子效用於清時推
其本原宜有褒贈今特贈爾爲承德郎戶部江西清
吏司主事靈其不昧尚克承之

勅贈戶部主事汪滸母太安人武氏

景泰元年六月二十一日

制曰國家於任職之臣必褒顯及其親者所以重原本
也爾武氏子汪滸爲戶部江西清吏司主事克勤厥
職皆爾善德所致茲特封爲太安人服此隆恩尚懋
敬之

勅贈戶部主事汪滸妻安人芮氏

景泰元年六月二十一日

制曰夫婦人之大倫故朝廷推恩羣臣命必及之戶部
江西清吏司主事汪滸妻芮氏克相其夫茲特封爲
安人祇服榮恩永光閨闈

勅贈戶部江西清吏司郎中汪滸

景泰四年八月十六日

制曰戶部司養民之政其任匪輕卿佐朕自擇之至於
其屬亦必得人乃克有濟爾戶部江西清吏司郎中
汪滸發身科第列屬地官陞秩正郎式克勤慎厥績
旣最宜有旌褒茲特進爾陞奉政大夫錫之誥命以

示褒榮爾其益懋公勤以副委任爾惟欽哉

勅贈汪宗賢戶部郎中

景泰四年八月十六日

制曰國家於臣下既有申命之榮斯於其親亦有加焉
蓋厚倫惠本之道也贈承德郎戶部江西清吏司主
事汪宗賢乃戶部江西清吏司郎中汪澥之父積善
餘慶鍾於厥子蓋嘗因子受封矣今子敘陞而已先
沒茲特封爾為奉政大夫戶部江西清吏司郎中靈
其承之永賁泉壤

勅贈戶部郎中汪澥母太宜人武氏

景泰四年八月十六日

制曰孝子被恩榮而必欲及其親者人情之所同也故
朝廷於臣下有封父母及加封之制所以體其親而
隆其孝也爾封太安人武氏乃戶部江西清吏司郎
中汪澥之母因子受封為太宜人服此隆恩益懋敬
之

勅贈戶部郎中汪澥妻宜人芮氏

景泰四年八月十六日

制曰妻與己齊人倫之正也肆朝廷推恩其夫必有及
之爾封安人芮氏乃戶部江西清吏司郎中汪澥之
妻蓋嘗受封矣夫再進職今亦進爾封為宜人服此

榮恩益崇祇慎

勅贈湖廣偏沅撫標中軍遊擊王安國并妻淑人李氏

康熙

五十二年三月十八日

制曰國重干城特賁褒揚之典功高營衛式膺殊渥之
施載沛榮綸用嘉懋績爾湖廣偏沅撫標中軍遊擊
兼管左營事加一級王安國英猷克矢武力維宣撫
恤師徒廣仁風於挾纊勤勞軍旅鼓壯氣於同袍闔
惠攸頒嶽章宜錫茲以覃恩特授爾階昭勇將軍錫
之誥命於戲幕府疏勲尚欽承夫寵錫巖廊行慶爰
誕昇以恩光祇受崇褒益恢來效

制曰策府疏勲甄武臣之茂績寢門治業闡賢助之徽
音爾湖廣偏沅撫標中軍遊擊兼管左營事加一級
王安國之妻李氏毓質名閨作嬪右族擷蘋采藻夙
彰宜室之風說禮敦詩具見同心之雅茲以覃恩封
爾爲淑人於戲錫寵章於閨闈惠問常流荷獎譽於
絲綸芳聲永劬

勅贈王湖海昭勇將軍并妻淑人李氏

康熙五十二年三月十八日

制曰策勲疆圉遡大父之恩勤錫賚絲綸表皇朝之需

澤爾王湖海乃湖廣偏沅撫標中軍遊擊兼管左營
事加一級王安國之祖父敬以持躬忠能啓後威宣
闡外家傳韜略之書澤沛天邊國有旂常之典茲以
覃恩贈爾爲昭勇將軍湖廣偏沅撫標中軍遊擊兼
管左營事加一級錫之誥命於戲我武維揚特起孫
枝之秀賞延於世益徵遺緒之長

制曰樹豐功於行陣業著聞孫錫介福於庭幃恩推大
母爾湖廣偏沅撫標中軍遊擊兼管左營事加一級
王安國之祖母李氏壺儀足式令問攸昭振劍佩之

家聲輝流奕世播絲綸之國典慶衍再傳茲以覃恩
贈爾爲淑人於戲翟弗用光膺宏休於天闕龍章載
煥錫大惠於重泉

勅贈王一元昭勇將軍并妻淑人張氏
康熙五十二年三月十八日

制曰寵綏國爵式嘉闕闕之勞蔚起門風用表庭幃之
訓爾王一元乃湖廣偏沅撫標中軍遊擊兼管左營
事加一級王安國之父義方啓後毅似光前積善在
躬樹良型於弓冶克家有子拓令緒於韜鈴茲以覃
恩贈爾爲昭勇將軍湖廣偏沅撫標中軍遊擊兼管

左營事加一級錫之誥命於戲錫策府之徽章游承
恩澤荷天家之休命永賁泉壚

制曰怙恃同恩人子勤思於將母赴桓著績王朝錫類
以榮親爾湖廣偏沅撫標中軍遊擊兼管左營事加
一級王安國之母張氏七誠嫻明三遷勤篤令儀不
忒早流珩璫之聲慈教有成果見干城之器茲以覃
恩贈爾爲淑人於戲錫龍綸而煥采用答劬勞被象
服以承休永光泉壤

勅贈登仕郎武開國并妻孺人李氏

雍正十三年九月十
九日

制曰設官分職昭器使之無遺錫類施仁嘉蒙恩於伊
始爾武開國乃陝西鄜州中部縣訓導武烈之父秉
心醇朴飭行端方教誨懷式穀之勤政事本貽謀之
善茲以覃恩賜爾爲登仕郎錫之勅命於戲一命
得以逮親途膺曠典庶政期於稱職永荷榮光

制曰登皇路以馳驅忠原本孝入庭闈而侍奉嚴必兼
慈爾陝西鄜州中部縣訓導武烈之母李氏性本和
柔飭衿繫於閨內教惟勤慎紆章服於庭前茲以覃
恩賜爾爲九品孺人於戲所親邀優渥之恩勉圖

懋績有子效靖共之儀永表芳型

紀異

叢談 計四則

春秋一書災祥並紀亦使披覽者緣天道之徵應識人事之得失也成自郡縣後軼事遺踪簡牘所載父老所傳者夥矣錄以備覽其亦考鑒得失之助乎作紀異志

秦始皇三十五年西略登鷄山宮娥善玉簫吹之引鳳至漢建寧中李翁爲太守有黃龍白鹿甘露嘉禾連枝之瑞圖其形於魚竅峽

魏永平三年五月己亥大風發屋拔樹次日大雨雹雪殺鳥獸禾稼

宋乾道中吳曦嘗校獵塞上一日夜歸垂鞭四視時盛秋
天宇澄霽仰見月中有一人騎而垂鞭與己惟肖問左
右所見皆符因揚鞭而揖之其人亦揚鞭而揖曦乃大
喜遂起異志於是乞夢於文昌帝君帝君曰大事已付
安丙曦與丙謀丙佯許之踰月丙擒曦
明崇正六年冬十月十三日夜地震十二月十五日又震
七年秋七月十三日地震有聲自東南來次日又震連
數日不止
十三年歲大饑百姓流亡無筭

國朝乾隆六年五月縣竹成實四野俱繁盛里人呈驗狀如
青稞稍充肥外色青黑肉如麥米色白味淡美時秦隴
之民數千就食成地採以充糧知縣黃泳取數斗分上
當道

叢談

虎有偃鬼有厲古矣而拘者以爲無災用禳祀用肆禮也
而迂者以爲誕故子產聽祀伯有而宣尼致敬鄉讎事子
鬼神務乎民義志叢談 計四則

厲燈

成民鬪氣輕生婦女尤甚每以口角細故輒自縊投河者
鄉村城市往往有之泳家異時習聞死非正命鬼有尋替
之說後侍先君任晉江縣有天燈照鬼魅消之謠迨蒞
成後自盡之案月有數起泳因卜告城隍點天燈於上
城南北隅由是相驗之役以減今歲五月燈杆偶爲風折
余以微疴未卽更監乃旬日內城郊以自盡報者四因急
爲重立繼照半年來安熄如故事雖不經確有其驗意者
光明普耀於夜臺山鬼難逞其伎倆也乎

虎穰

虎之威能殺鬼以爲倂倂之痴導虎以傷人其愚已取
笑昔人矣申酉兩歲虎肆虐於成境彪者號者白晝羣行
鼓唇礪爪覓人是啞行人以絕力作以慄爲虎傷者百十
其列泳聞而哀之遂乃爲文禱城隍祈陰戢其暴而虎
跡少斂又憫倂鬼之愚而受役也設齋醮假超拔以去所
憑其有冥頑者則於利州募善射者操窩弓毒矢從事殺
十數虎而患息是役也余雖不能德化異類有負子渡河
之異然爲民除害守土職也若夫告神驅倂之舉迹雖近
誕猶是聖人神道設教意也云爾

湫靈



城北十里利澤龍神廟前有池狀如置壺廣踰尋丈澗不可測以屆四時不溢不竭靈蛇出沒有毛有角當嬴秦時嘗以禮幣投詛楚文於中而神爲之効自是吁雨粒災求而卽應代著其靈湫腰有竇下瀝爲井居民用汲亦有是濯澣者雍正七年秋月望夜四畔居民忽聞水聲鼎沸如雷鳴吼迨明起視見湫已枯竭旁有大樹枝葉脫落維時居人惶惑共相引咎以爲是污穢之所觸也而神將弗宅於湫矣有識者相與販口取他水淨池復延高功設醮嗟



懺悔過謝罪經七日水來復湫滿如舊嗣是民咸共懺於湫之神世相戒無以溷濁近用昭靈威以至於今土人云

洞異

隴右名山仇池最著險傳楊氏勝因老杜小有洞天穴通太古辛酉秋余纂輯縣志以山向在成封囑懷兄與弟往探比反爲余言山險峻固然而風景勝致殊不逮古所云土瘠人稀山窮利索泉數十道池無所矚惟傳絕頂廟下有洞溪入三重俱經泉中以蹠足入以燭火行洞入二重左右列石其形如人自是以往寒苦淵澗不可復入至

其間者以取水故救彼大旱嘻其小有天耶其神魚宅耶
是山之得名而地之不隨滄桑變者耶俱未可知居人又
云取是水已守之須謹有不謹者水卽逝去大衆追尋動
以數里水結爲冰而掛樹間稽首致禮水復於壺還著壇
壘雪霖以沛餘無所聞唯異是言余聽而語 兄與弟曰
若是其爲異也余向禱雨鷄山夫固已親見之矣





志古史也成雍州之域用武之國漢置武都郡
後得虞孔之撫綏庶馬之風教歷唐宋元明以
至於今應必有繼其美者而公之善改善治
與德教之及民真足以當之矣以是而成志可
以擬史亦可以方經而又奚患乎拂與詭耶雍
以踈淺願得同公難兄弟兩先生後出家
藏事考稽助叅詳而見夫公之成成志也搜
羅廣義例備考核精修詞潔是誠以良吏為良

史者也然則公之成成志者其即公之所
以治成也歟 雍 幸百年廢陞一旦修舉因以通
於經史之說贅一言于后以見非諛云
乙卯科選拔候銓教諭治年家晚生汪于雍
頓首拜識



刊志輯略

成志百年無成書辛酉秋

沐

兄與弟適集成署乃偕紳

士搜羅編輯數月書成未授梓而余以公去例

引見嗣以交代留難壬戌冬命長男滙在設局開

雕乃邑官紳士民謂清吏之難支也競遺酒食并助

剗剔資余徂之弗能狺焉弗以也登姓字簡末微好

義云



成系所

刊志

縣志

縣志卷之四

縣志卷之四

縣志卷之四

縣志卷之四

縣志卷之四

縣志

縣志

縣志

縣志

縣志



